

幼  
學  
堂  
詩  
稿

幼學堂詩稿卷十五

吳縣沈欽韓文起

重陽維邁庭桂猶榮歡然數杯輒追陶公九日韻二  
首

疊疊令節至融融月光生花月交映發賦詩喜有名棲息  
愜遲暮芳馨遂靖明小鳥嫌蕭晨闕彼求友聲志士固芬  
烈寸心閱千齡雖乏弦琴賞一觴聊自傾風霜漸淒緊百  
卉誰其榮典衣尙可酤譽茲瓊樹情衰顏質清鏡植操慙  
無成

宇宙皆寓廬豈惟廡下交我寓將舍茲預憂嘉樹凋殘秋

勿里堂詩稿卷十五

風氣敞廣庭露華高巷冷無人聲新月舒中霄羸年勤著  
書北門心自勞清陰一俯仰靈府忘煩焦四時得此夕命  
酒歡斯陶委形無所欠悟彼蜉蝣朝

九日

腰金騎鶴諒難期歎老嗟貧亦已癡一櫟花僑新節景三  
杯藥酒老生涯雲山自好偶無興風雨不來當有時閑處  
工夫須愛惜數緡忙殺餅家師

王勤中畫鶴冊

勤中自養二鶴以貧賣其一所留者  
遂死因感悵畫此冊凡十幅今存巾

氏

對舞忽成孤影高秋唳斷清霜不忍少貧賣鶴果然天壤

王郎 少葫蘆生人血傳薛少保宗風欲傍誰家池館  
不如天際冥鴻

秋晚詠絡緯

藤陰索索苦瓜垂就使悲秋亦過時不信寒窓暗燈下看  
他絡得一絢絲

野步口號

端居悒悒行謀野水落西津石鼓陰晚稻黃棲耕耒狹寒  
林紅帖酒旗深鴉添別致行牛背雨奏偏功起菜心檢點  
惜無錢與邵麴奴看取酒缸沈

九月晦日放舟石湖共收齋弱菴集榮甫蟄窩

黃雞啄啄驚生客拋了枯筇逐病身  
開手三間泥地屋聚頭五箇布衣人  
綠醪卜晝還謀夜紅葉辭秋卻借春  
笑指扁舟歸木瀆酒徒盍彘訝比鄰

宿辛夷館聽雨贈肇甫

衰疾冬堂共攘除聯牀竹屋夢遶遶  
更殘滴雨叩方響秋送隙風號太虛  
信貨早愁藏腊鼠方聞晚悔欲涓魚  
黃花寂寞東籬甚把燭相看影未疎

十月初一日雨中對菊

吳均高興今誰似秋士菰蘆慰我思  
紅友相交無冷而黃花共對小低眉  
古風栗里懷三徑今雨雞窓泥一枝  
寒夜

留髡文字飲詩壇牛耳愧難持

墨菊

晚節當玄月孤芳寄墨家一叢迷病睫幾點帖寒鴉短日  
先燈影衰年逼眼花何人持鐵面兩鬢愧蒼華

媽紅幾入已成盧插向烏巾鬢未殊傲世輕於黃綬吏戰  
秋奇出黑雲都發揮正要霜華襯羅致誰嫌月影孤幸自  
不存丹白念西風聊慰草玄儒

初冬沴氣漸息喜柬友人

稚飲未能歌瓦缶

時尚在過密

游光先自禁桃父星藏尸氣閒

巫祝風遠春聲笑婦姑茅屋不聞車載板楓林仍勸酒提

壺食新相賀逃新鬼息老還期慰老夫

黃山晚歸

青紅樓閣晚霞奇抽作行行野鳴飛却是林村添薄相風  
梳病葉滿牛衣

封橋稻秆出山拘鳥接林間解護巢貪向西橋望燈火不  
知寒月挂船稍

書憲

玲瓏朝日透林圓披霧纔如雨霽天逸翮攤書時過影輕  
塵棲硯共生煙霜梧旆旆死心墮野穰簪簪生計延盡是  
久閒消髀肉逡循衰病一悽然

初冬與改齋弊市遊累日改齋別去復同弊市宿黃

山管氏書樓悵然有感仍用前韻

山林朝市共乘除淨掃靈臺企几蓮棄物折資差散誕病  
魔衝替漸清虛偶然問世白頭豕長此勞生類尾魚只是  
家山貪宿留向平志願竟全疎

儒生吟戲寄輅然長老

束髮業儒頗立志政如出家初發意始隨鄉校作行童繼  
入黌宮蒙披髻已持孔子具足戒亦饒散聖神通戲目窮  
萬卷轉三藏神遊六代超十地幾將館穀化齋糧聊以訓  
蒙爲佛事名參貢士挽計車寵同大德選街寺仍縫破衲



白袍歸不博，敝裘紫衣賜。開堂竟少買，山資託鉢空。磨懷  
刺字鬼，狐齧齧唱家。風鳥雀轟轟投法會，弊人難度早思  
惟頽波欲挽，輕嘗試劇貧。須達錢休穿，薄福羅句土。自餌  
以我所爲舉，似公公殊有得我。乏味公營無縫塔，已成我  
灶長明燈。尙翳從今但敦薄，拘羅一生無病亦無偈。

示兩小兒

七載苦心兼教養，終年菜色怯鞭撻。得憐多處皆歸母，乞  
活難時只怨爺。有子那知翻累我，爲渠不忍更拋家。相看  
咄咄催人老，瘦骨鈴鐺益自嗟。

驕穉何知反哺急，恩勤未有息肩期。頗哀老子遨遊少，但

似而兄門戶哀世襲奇窮將到汝往煩咎怒豈如兒平生  
事事輸懷祖不獨科名領底髭

意行寄僧補拙

樵聲如啄木伐荻已無花曲曲巡河鴨忽忽種麥鴉新香  
晚邨飯餘絢遠川霞甚欲尋蒲褐窮忙是出家

雨中憶池上菊

詩人命屬花尤急文士愁須酒始降無酒無花開病眼苦  
風苦雨打寒窓

說餅齋招犂市不至次兼山韻

莫訝生機似濕灰長鬚折簡未登來山能露頂研研立日

與溫顏欸欸開掠臘風聲還搶竹商量雪意欲巡梅隱囊  
塵尾渾忘語獨酌頗黎酒一盃

洞庭橘枝辭

漫山轉綠更迴黃龍女祠邊半夕陽好待使君三百顆幾  
家茅屋有新霜

儂住前山郎外湖住山安穩已輸租五風信裏催船出酒  
熟橙香相憶無

羅帕誰家拾道邊一雙繡眼破林煙蕭蕭暮雨吳歌斷水  
碧山紅泊畫船

駝蹄羹後壓清饒倚醉脂香破枕函寄語園官休盡揀留

將匹絹製春衫

湯婆子十二韻

不嫌老物與卿卿便可提湯出火坑晚歲推襟代房帥可  
人來夢罷心兵溫泉先賴樵青婢丹穴依然養汞嬰未許  
比肩當夕御也同抱帳向宵征阿翁新尙趨炎勢此嫗橫  
陳送煖情踵息深深應默數小波唧唧久吞聲尺三汗脚  
勞相企百兩纏頭寵不驚喚醒春陽非玉質乞將方便比  
鉛精

宋紹興間有孟婆與我方便  
語鉛精爲老婦見玄中記

青奴共帳班姬扇紅友

猶期力士錯胯下辱他同蝨處夜闌伴我聽雞鳴渾無圭  
角摸棱過漸覺龍鍾皺摺生布被因緣莫輕棄是鄉終老

伐三彭

蠟梅六言

風廊黃葉盡掃晴簷蒸栗漸催欲雪天容慘澹聞香人語  
裊回一枝銅瓶共凍百琲雲鬟未開正是圍爐獨坐智瓊  
悵望不來

移居詩三首示家人

辛勤將卅載不得名吾廬此生已流浪何者爲定居僦屋  
當筍步有樓亦渠渠好山帶檐宇雞犬聞邨墟雖免締構  
勞父子勤糞除素乏周旋人載書况盈車輟吾半月業擗  
擋得自如未暇置家具先理架上書一觴酌自勞筋骸稍

稍舒家人復啾唧盆鼓無宿儲

貧者士之常吾家清白吏先人少孤露勤立終質志破屋  
遺四椽偃息已兩世弱弟亦有兒風雨愁難庇譬如蒙鳩  
巢已壞且愁置豈無同爨恩尙慮紫荆悴疇昔職提攜今  
茲門戶異緩急乞醢鹽比隣恐疎棄惟應愛酒伴相於覓  
一醉

我性秉疎拙多與流俗忤廿年卧蓬蒿饔飧致艱苦入室  
見飢寒我心常愧汝三男復倅愚詩書恐墜緒平昔厲廉  
閻亮余爲人父富貴營華屋遞居如逆旅歌哭能幾時况  
茲他家廡親賓誼良厚相賀携酒脯新篇復斐然辭意重

幼學堂詩稿卷十五

矜許他時兩雪中來視子桑戶

題宋徽宗賜崇真宮道士項舉之手札

長生帝君下絳霄雲中樓閣風飄搖半夜火龍神劍躍白  
鶴三萬分班朝天遣魔君壞趙氏蔡京王黼皆仙史玉真  
軒裏像安妃寶籙宮中市德士永嘉祭酒高座施金鞭橫  
軼龍樓馳邈然更有崆峒想名姓親提項舉之道家兩府  
謂林與張無此客誰向寥陽問仙格鵲頭想共徐神翁馬肝羞

作王仔背黑背不散鼓蓬蓬神霄長嶽煙塵中黃河迢遙

別十八

癸辛雜識別十八華言五國城

汗衫血詔斑斑紅雪窖冰天仗道

力可惜中華被金狄

徽宗自言朕爲上帝長子憫中華被金狄之教故願降生

對雪次朱子舍期集旭堂說餅齋韻以大風遲一日

晴簷舞雪點房櫳潑盡餘寒日月窮竹保餘青爭魯直

李燾

長編真宗他日念右正言魯宗道因題殿壁曰魯直山皴微白類楊風波波雲族排

鴉陣縷縷水花綴爵叢羔袖龍鍾欲陰拱幾將俗物笑王戎

玉沙浙漚打疏櫺驢背漁蓑句不窮早答僧書硯微冰緩

求士畫紙先風名場老敢稱先輩綺夢清休憶小叢虛望

王恭披鶴氅村煙市火暗戎戎

樵者致鳳巢僧訊招踏雪筆甫改齋每稱余爲前輩

### 賦得書聲

立壁殷金石挑燈有鬼神坐深堆暹葉吟苦繞梁塵掩卷



猶三嘆敲詩更幾巡蛩號與雞唱陋巷憶斯人

賦得碁聲

一局竟午寂瓶笙只悄吟乳泉人共滴翠幄密相尋落子  
松風遠收枰花雨深不知幾膈膊門外泛瑤琴

說併齋夜坐川前韻

霜月悽然不隔橈白頭我正坐文窮山封雪汁難消日水  
蹙水紋已絕風枉費苦心穿鬼窟每遭巧手賄神叢機幘  
收拾聲華歛未晚斯言聽阿戎

集兼山菜根香處疊前韻

險巇有路抵烏樵急難何人示鞠窮得酒情懷冰見日催

詩號令雪呼風橫流直自飄桃梗廣廈何宜夢櫟叢但伴  
梅花冷將息單車未肯效崔戎

杜少陵拜杜鵑圖

昔年三大禮稽首延恩匭空向錦帷望麗人不得麻襪見  
天子有懷稷契志莫施六飛崎嶇行萬里大桺

謂肅宗

昏塞

誤家奴阿瞞幾爲兵死鬼臣甫會同立仗馬一鳴輒斥身  
轉徙轉徙亦復東西川翠華想像空山裏小鳥誰知望帝  
魂血灑春風萬花紫襪襪短羽訴飄泊旋繞宮槐念故蜀  
遂令一飯憶君人惻耳酸腸望林木綠袍往綴供奉班那  
知老淚湔巴山干戈滿眼歸不得亂雲遮斷葭萌關遙知

金粟堆南路千官上陵勅使還佐卿鶴化箭猶在鼎湖龍  
去髯誰攀爾鵠莫言歸去好西內羈孤骨肉少何嘗不歸  
歸若斯劒南一道差娛老有家可歸尙是樂不見紇千山  
頭凍殺雀

唐昭宗  
言此

畫工貌得詩心苦朱紫盈朝拜五父

### 陰山射虎圖

千人帳外吹頭髮白道稱妮金狼韜南河北河水正合鳴  
鏑萬騎馳搜牢百獸搶地先乞死驚風裂石黃斑嗥虎聲  
風聲戈戟偃一箭噴血殷林臯虎僵不倒迴鞭鞘仰天復  
落雙鵬高黑虎最猛帶箭逃撞翻七列誰敢鈔翩然躍馬  
弓且發長槍揭起肩連尻怯薛共詫好身手罽姑卯妙解

甲條燎毛割炙伏突刀琵琶圍坐聲嘈嘈橐駝滿載腥與  
臊角鷹銜肉涎涎爇胡兒寢皮寒不號殺戮代耕彼天驕  
漢氓命若狐兔塵豈如  
本朝制六合區脫不復烽然  
棹谷量牛羊貢九白賀邵山北皆官曹一矢不敢向南射  
嗟爾畫師慎拈毫

臘盡從吳茂才乞殘菊賞

忍寒待與梅爲伴自是天生穩重花滿挹禾酸裝

上年景聲

不時宜處見些些

韓魏公詠柳絮云  
不是天生穩重花

乞菊不得從鳬舟覓小梅兩樹

菊應嫌我酸寒甚邀頤園爐飲酒人賴有梅兄共生活不

教作撻後來春

研樵乞鄰竹植織簾草堂并分書帶草

嬾媚五青士揖我蓬蒿徑雨餘碧自鮮臘盡寒纔剩披披  
始摧沮挺挺旋澹定金瑣迎日從玉璫向風磬停煙供微  
睇得雪耐清聽骨土愁鞭跛脈春望笏孕購石古勁裝聘  
梅窈窕興此君但平安其倫非逕庭幽草亦欣然逆知嫡  
容媵便作汗青想詩眼不空醒

病中鳧舟屢以藥物見濟歲盡餉白米鯛魚

嗟余攝生不如法初矜超距終顛跲少貧捩茹劇煎心晚  
學篝燈忘帖脅十駕施拙未識芻一枰落子便逢劫面小

於襟骨如牆歡不能交病相狎巨防一蠟穿遂遁大怖四  
蛇排洽怡感君古誼彌久燁顧予舊盟不再歆分齊桐錄  
細封題對證龍方勤籤劄猶希老樹能著花欲起疲丁重  
受甲苦辭悱惻孤肝傾俗情盱眙一目眨縱然瘦沈仍移  
帶可識醉劉免荷鍤濃霜召煖喜啼鳥淺水流嘶寬戲鳴  
酒兵寂寂常堅壘詩戒遲遲偶放牯新編良藥又沓來長  
腰縮項并宣押因勸腹腴纔再飯重憶濁醪聊一呷輟箸  
長歎味德淡對案高歌與愁壓寂寥不使虞翻恨浸淫只  
慮鮑叔乏文章休矣啖雞肋歲月瞥然熟羊腍氣吞往古  
喉詎搖謗受羣兒掌自搯窮而後工安足豪巧於用短毋

須怯每索君新詩輒謙挹相期晴日遊斜川久忍寒宵訪  
不出救着此句挑之  
清雪酒狂比舊定如何鬢衰未礙梅花插

復從邱二乞竹栽料峭欲雪旣而得雨用前韻

千竿豈嫌多患少三三徑霜筠乍交割雪花擬掠剩蕭郎  
枯瘠姿落筆有前定分風旋追尋饒蝶相掉磬簾色幽自  
延書聲靜可聽瑩肌文字香窵窵官商孕何須渭川謀便  
生淇澳興苦心免一俗同氣惡不庭新歡洽舊盟魯嫁得  
齊媵宵雨膏沐深懷土一噴醒

除夕次子含見懷韻

風送人聲雜市寰本無忙處莫名閒閉門留歲忽忽決繞

屋看兒得得頑硯欲詠梅嫌宿墨鏡乘中酒賺韶顏趁晴  
固好尋南郭有雪無妨伴北山

寒瓊

擁萬卷書令破爛比三經席定奇溫懸鶉漫乞湯婆裹凍  
蝨應勞椅妾捫淚滿牛衣冰上卧聲銷羊圈雪中吞紅氍  
毹上金狻座未必傳家長物存

寒瓶

凍芋抽筋怯井欄幾錢乞得咽哀湍盡翻翕翕人間熱可  
見幾幾天下寒欲插好花知得否若盛濁酒便嘗看火爐  
頭上誰蹲慣輸與鴟夷饗腹寬

文同丹淵集冷瓶詩君  
比幾錢得不惜持遺我



除夕效白樂天何處難忘酒十首

何處難忘酒春風引杖藜  
糝紅燒屋角吹綠繡山題蝶向  
誰家舞鶯藏別樹啼此時非白墮豈屑小蠻携

何處難忘酒高陽並俊人  
帔霞張作幄花雨埽成茵  
綿羽廻歌韻遊絲攪舞塵  
此時觥錄事可獨酬陳遵

何處難忘酒榆錢點客衣  
科深行卷懶僕慢過軒  
稀眼亂逡巡立心知羶羶歸  
此時非吃夢無力送斜暉

會榜未出  
前聚朋市

飲俟得第者  
償謂之吃夢

何處難忘酒槐陰轉夏初  
蔥花淪蠶豆糟醖燉鱗魚  
鷺自巡風倦花如入月疎  
此時非卯飲櫻筍一年虛

石湖詩注  
吳人酌酒

甕浮醅謂之撇  
醋酒之精英也

何處難忘酒潺潺雨滴階山雲寒作絮庭草長垂綯子母  
行鞭竹官私袞拍蛙此時呼五醖自覺醉鄉佳

何處難忘酒山房六月中垂簾竹閣雨打漿藕塘風林局  
葉投鳥檐吟絲吐蟲若非河朔飲黃嬾莫施功

何處難忘酒新霜抹屋檐蟹奴芒稻捋魚婢穗蘆噉籬眼  
鮮鮮菊林腰閃閃帘一鴟缸面少底物慰陶潛

何處難忘酒西風柞稻天白魚長似劍黃雀軟於綿小閣  
初糊紙名琴正合弦慳囊不此撲叵耐口流涎

何處難忘酒堯年鶴語寒藏頭無六用曝背待三竿僧路

抄水澗漁舟膠雪灘此時挑檣桡論蠶倒禾酸  
何處難忘酒爭春雪共梅偶然隔水望忽有暗香來松吹  
舞能轉鳥啼妝漸開此時沾溼倒不惜玉山頽

辛巳二日立春

春來紫萸沒因由菜甲錫枝事事休名紙裁供詩起草錢  
繩剩與竹扶頭此心想象皆虛耳韓非解老人之所以有  
意想者皆謂之象也有  
口呼貓可得不但爲尖風勒枯坐梅花宣勸我能遊

新年

新年使我愧酸寒強博親鄰婢姬歡客去向催茶始出僕  
隨兼設飯尤難小思轉變戶堅閉大得清閒書獨看猶有

吾門二三子翦蔬漉酒待同餐

閩史有感

人材錄錄汗青羞苦海茫茫漆黑搜覓食鵝盆僂鳴觜容

身菱角作鷄頭

陸放翁詩註吳人以折磨多者爲磨菱角作鷄頭今諺有鵝食盆鳴攪觜菁華

天地豈終閼摩厲廟廊須熟籌已達達人要有類自鳴鳴

國正何憂

乳餅四絕

欄下薶盆桐老丁

丁姓者最優

雪花方鎔侑京瓶近來舌本無

愁強勝讀李元道德經

穆家小弟尙清腴

李肇國史補穆氏四子贊爲乳腐最凡固能砭叔牙肝肺枯

碌碌猶應超五殺莫論茶餅本人奴

不斟錦帳羔兒酒不點瓊廬姝子茶添得詩人癡絕事一匙和雪嚼梅花

殘牙穩送玉池泉日日黎祁也可憐安得煨蠶千斛貯落花收拾盡酥煎

邵犖甫送寶應藕粉

汜光一奩浸明鏡雲錦千機水天靚錦帆綵舟不爲家雨

打風吹鷺翻艇彎環玉臂搔卽傷

漢時吳郡貢傷藕

碧縷搖漪牽

藻荇縣家作粉供玉食遴簡瓠肥棄其梗窈窕滴露泛杏漿  
倘倘暴日凝鏤霜鷄羽雪塵封錦匣每年土貢隨秋綱

湯官七調芙蓉片白琉璃瑩眸子光若奴酪母供泛索滿  
幾千品同糲糠圩戶領錢斤四百帖陪過半短長陌仍將  
剩料送縣官親賓亦幸先嘗食我患衰羸思湖目不任肥  
醲似蟬腹一盂雲母肝膽新擺撥槐淘與餲粥鄭屠滕沾  
不須句硬肉大餅癡腹確書窓一穗裊廉香三句鶴俸償  
詩債

去冬雪後石湖夜歸錢改齋請余聯句因喝韻得十  
餘聯江兼山許弱菴管旭堂皆與焉已弃之矣兼  
山携稿來乞書之因加竄定稍得韓孟句法也

湖光碎短棹日脚曳半江雪徑痕癭癭水溜響琤淙倒影

面浮赤聳稜眉列麗人煙掠逝羽鬼火吹枯腔深墨林圍  
障浮青山簪幢蘆管拗微颯松頂摩遠撞鵲巢危露架鷺  
浦孤翹樁暮語聚茅宇空情豁蓬窓束苴出叢社卧槎纜  
漁艤魚叉並岍獨冠鳧迎舩雙爛銀潑眼瑩碎玉披腹鏹市鐙  
賓鴻叫渚獨冠鳧迎舩雙爛銀潑眼瑩碎玉披腹鏹市鐙  
射敗壁鄰篲滴糟缸近爐客促膝遠酤人度砭牀掃印塵  
鼠廚喧盜肉龙舉白瘁粟熨覓句寒涕降蹙株驚濕灰刺  
石通奔瀧險縋陰平道捷緣都盧橦處子皆樸茂俗學矜  
奇厖勇羞投石固隙戒彎弧逢開南軒竄窬窺北山崕峴  
霜鞠月魄鍊風翦星眸慢肩鼉標餘枿賜睽春下釭宵長

偵燭跋韻險撓鼎扛覷巧乘堙闔扶偃植杖帮吹竽廟南  
郭執帛隨小邦快哉助鼓譟拔幟投空扛

劉猛將祠

順昌旗幟閃靈風簫鼓千村報歲功多恨金牌追汗馬枉  
拋玉帳鎮沙蟲三衙高卧閒烽帥一劒橫磨走社公我欲  
豚蹄效尸祝紙田無用愧鄰翁

步月觀劉猛將會次兼山韻

神鴉近社肥遠樹挂斜暉田鼓巫先醉橋燈叟未歸月波  
涼夜屐酒色上春衣從此攜鉏出比鄰相見稀

元夕集子含齋中并簡張小陶次韻



後遊偶作春雲合妙緒如拈新繭圓  
闕月緩歸銀燭下分茶小坐玉梅邊  
留窮文試生花筆賣困天輪圃草錢賴有  
張兄形我少強扶羸老繼清篇

雨

雨脚挾風峭轉嫌馳謁輕暝煙山寺閉  
遠水野航橫苔逕無綠意紙窓有雪聲  
窮冬渾忘却澤物豈無情

鳧舟送紅白梅兩株植於香白寮用種竹韻

種竹尙婆娑植梅差簡徑數年清夢圓  
一春遊屐剩稍瘦牽羈情尙寒得禪定  
酒邊重尋盟詩外真懸磬野風獵香禁  
隣月移影聽帖鈿麗初妝調鼎酸已孕  
笑隨健步開案

翻腐儒興丹白未忘懷對當各分庭綿羽有時歌羣芳無  
地媿安得買孤山長伴逋翁醒

太平庵探梅

香氣如絲茗盃前雪花微點玉腮妍東風不用相敦迫冷  
蘂疎枝倍可憐

愛梅未要梅全放無賴辛夷向後催早悉羣芳難鎮壓菊  
花開後卽須開

寄顧南雅

聖主求賢本寬大小臣指事却巖疎未論侯霸猶癡否但  
視蘇威自蔑如所見易驚皆蜀犬有材輕露卽黔驢江湖

幼學堂詩稿

卷十五

不少魚羹飯肯爲民瘼草諫書

韭芽

土毛閤窮冬春蔬無一族后稷窘蕪廡老畦巧嫗伏緼火  
排煖房赤萌呀寒谷茶槍剡剡磨蠶蟻蠕蠕簇粲然金釵  
股發若丹砂鱗一籠初上市百錢不盈剡齊奴麥苗羞文  
淵筍包慝食肴推將領肥甘盡稟服緣飾兼吏儒幹用通  
雅俗雖羞二清品要冠五辛目膩瀉羊羔酒細切花豬肉  
冬筍不差伍春餅尤宜餽周生固貴早庾郎詎望速難伴  
藜藿腸取足瓠壺腹逮其逾狀寸稍可加約束嘗新到貧  
廚革故麾華屋老薺牆根挑白團釜底漉難饒安邑肝慙

對蕪萸粥自牙而著花迴黃已轉綠匹如享野人無庸繭  
栗犢從茲蔓甲宅非止照苜蓿菌蕨蓴蒿芹芥薑芭藍菽  
唐園恣填倉韭老氣不馥力求菜花乾韓子蒼陵陽集有  
順老寄菜花乾詩  
余亦嗜之當宥松毛禿

正月廿六日雪

冷雲陣陣合長圍一朵迎頭濕打衣與麥圖回饒一白犯  
梅持重僅孤飛檐聲向曉雨兼下天色待晴春半歸衰病  
患寒還喜事苦無二仲款柴扉

雪中紅梅

天教傳雪顯精神政作當家膏沐新試把胭脂桃杏着一

番風雨一番塵

冰豆腐

麻雀散荒邨

諺云麻雀豆腐到處有

石磨停野店匣牀翻漸空算罷

趁已歉剛稜銀粟生熱屬石膏點風竿猛掀攪星檐澹屍

閃飛霜小下鹽垂溜危標劍蛙眼工鏤鏤蠟面巧塗染帶

方勻排鏊塢輕便削漱湯沐凍顏解酥片瘁肌砭

陳晦隨隱漫錄

每日賜太子玉食批有酥片生豆腐

身擎雖耐七質輕幾悔驗無取辣羹清

要投脰肉醢貧家安辦有常具固叨忝三斤夸大進十錦

甚過潛兒喜餐輒加鄰喚直常欠各尋敲手批剝鬱澀舌

澹處分司寒煩排比腐儒饜蒜甲芼所須蝦乾淪稍添

集韻

他念切一頃料宜爲廣雅爲成也六月貯能奄曝極乾封貯雖盛夏可淪冰壺

令不遭玉雪本可念盎盎乳花浮溶溶永精歛撒電手何

巧點綠色尤豔

北庖能以水炒南豆腐董編修琴南庖人能爲十六種豆腐用菊葉淪尤色香可愛

耐久交早締老缺齒可齏豎儒宜噉麤老饕漫填塹只憂

真率會孟嘗家不贍

尤展成以肉與豆腐二色爲真率會吳江顧茂倫善交而貧人呼爲豆腐

孟嘗君

二月四日

梅花渾似雪中看占愜春光只一寒消得阮生經月醉不

青柳眼莫凭闌

破匏偶哢兩三聲未放吟肩故絮輕春冷子冰秋似火天

幼學堂詩臨卷十五

尤

公端不作人情

爲鳧舟題鬪鷄圖

外按小兒踏芳草花冠金距矜背爪季郈兩家搏一雄苦心韓孟覩天巧華清湯殿作隊嬉東城老父空淚垂兔葵燕麥春風裏說與酒邊老畫師

二月十一日偕豁然補拙二僧山中探梅

圍屏山疊纈成紋圓鏡波環襯擘痕一簇人家幾株雪梅花多處卽成邨

破袖連朝滿裝春催開催落不相勻杏花要爲梅花補白  
白朱朱眼不貧

細帶檀鬚倒七分沿山澹日閣輕雲忽然一陣踈踈雨殺  
住濃香不放薰

蔬筍家風巖壑姿援儒入墨共尋詩青鞵烏帽茶山下猶  
爲踈花立少時

草欲抽葶蝶欲飛黏人屢鼻撲人衣只消三日風吹雨合  
作香泥待燕歸

山坳跋隊幾縈蛇晚喫還元閣上茶做得春深直如許黃  
泥顏色玉蘭花

吳人呼白辛夷爲玉蘭

### 石契齋試七寶泉

春泉鳴石乳午夢味雲腴偶作煎茶會何須調水符烏薪



漸飛雪白沫已連珠蜩竅聲方沸松濤散忽孤八功池不  
遠三昧手非無小啜眉知意餘甘舌問吾重樓澆鬪品兩  
腋擬清都試急先啗杓嘗多且注壺炙餅猶唧唧散策欲  
于于花墮欄前久煙颺竹外紆九難曾有述見茶經二妙暫  
相娛李季卿謂楊子南冷水及陸羽處士煎之謂二妙水記他年續何人畫竹爐

綠萼梅

小紅澹白半晴光翠袖人遲竟體芳春水初生微蘸影曉  
烟欲上故窺妝一痕待曳褰腰煖三弄幾吹酒面涼今夜  
素娥須會意十分明艷餞昏黃

上巳日出遊

百五重三并一日儻  
蕩東風嫩晴色扇偶作伴時未須杖  
堪扶衰齒將得菜畦鋤金日色鎔桃岸  
纈綵煙痕織登山  
無嫌一里遠開園正可數錢直牙郎村女駢隊伍  
踈步冷  
顏隨作息山堂水榭百精雅只與俗僧快眠食  
烏嚙松吹  
幾殷勤應爲詩翁能技拭春歸草長人自稀  
白剝長廊戰  
蟻黑

白躑躅花

江浙山嶺間躑躅最爛漫嫩綠抽未齊  
殷紅映不斷銀釵  
樵髻簪瓦瓶村塾玩噴雲  
凍孤秀冠玉驚此粲嵐開媚巖  
幽縞耀標几案翠葉小紛敷  
素萼高璀璨有影圓月籠無

香隙風竄簾紋窺水窓鷺羽濯江岸盤殮勸少留偏提煩  
再灌海棠落未知牡丹開已半自嗟冰雪懷難將錦繡判  
散人對野花一歡成三歎青春去堂堂何消杜宇喚

顧劍峯不見十五年共遊天平隨宿跨塘顧生舍明  
日別去

十五年來一面難林泉不作夢中看綠陰如許頭仍白明  
日云何夜復聞欲挽江湖罄懷抱僅存皮骨琢心肝笑君  
亦自成瘡虎野鳥紛紛競作鸞

食白筍

釋贊寧筍譜言筍色大約不過青綠而云木  
玄虛著四明山記有毛竹銀筍者未詳豈古

今來皆不  
知此品耶

吳興斑犀白銀色赤馬風帆渡湖亟春分開秤一圓馳寒  
食削頭幾錢直尔非如綬薑作其波及貧厨爲技拭朝煙  
禾起心加餐食指初搖眉動色玉臂休褫紫錦褊透鼻軟  
香灰漸熄麻油薑豉雜調之重樓咽甘靈府植誰言滑利  
筯刮腸自覺靈通帶掃臆惟愁風日損真美每笑羸人慣  
生食偶思一臠肉同嘗却似揚州鶴叵得先生作計太奢  
遮蝨簡多生責未塞駸駸解籜夏成林煮簣如何借火力  
後來蠶豆慰清饒食料天公不汝嗇

討蝨寄江大

人非蝨父母利養蒙甚愛子孫并日成羣尾一牀配但飲

卽求飽無疾恒處內香臭機兩忘瘠肥樂共徠處禪兼邀

襦緣督善攻背耗耗蹙細步顙顙恣下喉遊奕鬚鬣沿抵

戲縷綽戴傳餐上下齊濟師先後輩一縱一橫來三祭三

咤退巨魁劇漂杵么膺紛歆敦體瑩含火珠腹圓曳水碓

蹢躅適稱媼瘡痛旋積塊謬種遺以貪利口遭無貸悴革

包壤墻枯櫓露涸塙老病翻相期股削料無礙飢困爾望

憐齊書江泌衣弊恐益飢死乃復取置衣中苛癢我誰代頓遞蠶起眠牽牽蟻

按隊莫施搔爬地堪揣眉睫態將捕裸形羞風俗通趙仲讓向日解衣

裴捕益厥形悉露欲捫談舌廢顧和乘宴間下彬破忍耐身事不

整齊生理益芒昧火攻出下策鼎烹等大熬獲級功先最

殲族辜徐倍狡穴搜布經潛形混絲類鵠鵠眼睚張蟻蛭  
燈炷燂反覆得窮治見知悉連逮贓證何從肥報論詎須  
劾猶恐濺衣污要遲撮指碎聚訟死方休相弔生肯悔懸  
釐戶牖徇焚炬阿房慨

武念阿房宮賦于被中見志怪錄

心清坐安禪體

便行勝鎧譬邦國撫綏期盜賊創念幸免心腹痕常結容

臭佩恬澹屏葦簾澡雪除垢穢庶幾莫惺忪無復蘇婦嫌

奇兵出不虞黠蚤知好在佛性撲仍無刑典施可概逡循

蚊習飛唐突背新淬有肉誘肖翹

說苑師曠云肉自生蟲木自生蠹

彼蒼

矜頗類尸蟲催交割微軀難徧賚故事殺琵琶新妝舒翠

黛

宋徽宗始呼蝨爲琵琶蟲

初夏

麥花風裏半秋天桑甚微乾豆莢圓好鳥數聲催日轉教  
人沽酒欲便錢

今年燕子不窺廬尺許蓬蒿嬾復鉏莫道此中聲息寂竹  
方解籜我翻書

蠹魚久與我爲讐日檢羣書堆過頭只似卧遊屏障裏半  
年圖上十三州

時方作水  
經注疏證

鳩窺甚熟時謀醉蜂見花稀夙備窮青筍黃魚好時節小  
兒悵望老夫聾

蠶豆

綠囊絨信報春歸露地牯牛踡尙稀蠶豆有牛踏圖垂茱箔中蠶  
漸老試花陌上蝶初飛茶煙已倦煩纖手麥浪猶寒賜褚  
衣幸自排當櫻筍後一甌能使玉池肥

鮪魚示朱春帆

抽蒲剡劒脊分苗漾針尾石首嫌非新銀鱗憶正美北風  
三日寒夜雨半篙水貯冰載江船貫柳上吳市鮮腴特相  
勸口福無可比酒子筍孫輩一一供佐使蟹黃熊白偷草  
草等奴婢膏脣挑玉葉朶頤剝紫綺漸期膾下咽那顧骨  
刺齒鱗脊循序盡落糝賀遊蟻春冬飯屢加立夏茶先擬  
覆思其餘剝腹告以旨此腹乃菜園一飽偶然喜尤物



當炎夏泔奧俱非計醢糟與蜜漬駿骨何由駛列鼎亦奚  
爲釣石不須起沽酒脫羊裘揮手雲臺鄙

漁家村

桑榆明暗相倚豆麥青黃未收早蠶猶窺籬角哺雞筍過  
牆頭導馱風前一大作家雨後雙鳩曳杖時敲佛屋垂竿  
或上漁舟

柏樹庵

雞聲共人語柏社卽蓮龕斗室山分翠長橋水潑藍錦頭  
香大麥桑眼倦原蠶欲識西來意維摩病裏參

牛總管廟

虛廊甲馬欲嘶風四敗烏珠孰論功百戰餘生弓影裏十  
年往事哭聲中不諧痛飲黃龍府猶貌英姿黑稍公箭鏃  
二升消受得小朝廷自決和戎楊再興傳戰死小商橋焚  
之得鏃二升牛伯通自言  
不以馬革裹屍而死  
牖下爲恨故爲北

鳧舟以窯上枇杷見餉小嘗知其佳急封送錢連璧

邵勿準連璧詩來謂被通子嚼盡也次韻答并柬

鳧舟

佳士無雙稱此名南邨難與北邨爭

橫山諸楊亦有名然殊不及盧也勻

千金彈膚尤潔鮮過糖霜舌自清茶食有時驚北客

劉祁歸潛

志宋使至金

進枇杷子果園何計乞南卿一簋分餉非無意邀韻松

陵唱和情

犖甫以蝦子醬油餉報以金橘餅并詩

周官用醬百二十魚卵蛾子登几筵未知罨黃窄油法麋  
鹿羸蜃脰腥羶滷淳散樸反簡要三物既熟齎鹹泉羞官  
得此調萬口食肴之將誰能先更淘素蝦罄腹實天關萃  
類貪華鮮石湖故人應泛索半餅氣壓瓊甌干

貨殖傳醢醬干瓊醬

干翁翁浮蟻瀉玄酒醅醅沃洎流饒涎但芼蔬材調一勺  
可抵稍食糜萬錢鰕生自揣無奢望苦嫌脫粟窮天年一  
從牢盆日腴削牟利翻羨桑孔賢壇丁窮谷常淡食熬波  
漉井嗟徒然此時拂席設醬齊肉麋救餓功誠偏我與邵

生窘半菽何人千斛江流填圉回聊致金橘餅冒熱亦備

門冬煎

犇甫約過訪故用  
子瞻與元章事

題崇真道院

清泉與白石在心不在境世網尙縈寧終南祇捷徑都亭  
雖浩穰道院足幽實况有老黃冠玄風振塵柄塵影開妙  
香市聲隔清磬泰宇近天光諸根徹圓鏡涼飈散幽篁灑  
然步虛聽蒲褐雖未依景象先可評瑞鶴或再來高閣幸  
可凭閭門十萬家煙氣鬱如甑高真亦攢眉擾擾何時竟

詠薺

誰畀山居祿野蔬此冠等迎冬冒陳根霖雨滋荒町作羹

爛著糝淪菹脆削脰朝携靈照籃午炊放翁甃饒解肉邊  
菜甘廻飯後茗傷心荒徼外抗志西山頂

高力士蔡元  
定皆齊事亦

有獻芹忱庶幾調銅鼎

探支除夕行

并序

辛巳季夏庶疫剛痺僵仆相係樓羅者掠錢打夜狐齋  
塗炭罔效姑咎歲之不祥於六月大盡如除夕之儀可  
除舊災迓新禔此亦鄉曲之愚可笑者也作探支除夕  
行

重明鳥不來但呼車載板風聲騷騷日色黃恐獨炎官撤  
火繼兒啼阿爹女哭孃哭未成偯身亦僵一邨往往炊煙

斷游光野仲淹披猖直是此年鬼當令化日舒長人苦逆  
愚心帽帽代天謀截取秋冬作元正月邊

月盡爲月邊  
見公羊注

便

是大除夕湯餅堪充年餽低轟轟爆竹破鬼膽責臺只欲  
逃鬼伯云何消夜果浮瓜沉李冰磊砢云何序歲酒碧筒  
滿挹團樂坐銀漢橫斜歲向闌笑吹楸葉當椒盤逐貧并  
欲煩侂子悲秋無奈入新年先生僂指得巧厯五十之年  
壽已百懔懔兒女亦歡然乞巧可中得人日

哭江生

并序

余居鄉日久朋從寥落青青子衿匪獨無可教亦無可  
語雖處鎮集逸焉如蠻箚晚得三四人聊以文譙自娛

江生岷發其一也無幾何以暴疾卒生過余作詩尤力  
能體物惜其方進而遽已也效孟郊體悼之

孟郊哭盧殷我今哭江生兩窮判一哭盡淚無盡情我亦  
自有淚不爲逝者傾向非逝者感灑淚亦不輕白日無生  
氣黃泉窮哭聲氣息一不屬何知享令名令名况未立鬼  
伯有嚴程

我性固寡合介特如狻猊所居非仁里目我爲怪魁眉頭  
灼熱艾心下淘寒灰毛羣嗥且狺一言無所諧石湖有逸  
士左提而右攜最後遇江生碎璣投我懷天寒聽苦吟聲  
若蛩蚓哀我病擁衾坐技癢顏亦開摧爾六尺軀增彼一

掬泥奪我一日雅負此長年悲出門見人類擾擾徒推排  
自我得江生經月一放櫂朱生操杖從錢許折簡召江河  
導正源經史飫厚犒子時不聽瑩撫掌助鼓譟舉頭如許  
大開口得幾笑我福不蔭子異物相妬媚棘針裂長風鬼  
臂倏然掉醫藥罔所施妻孥莫聞教詩心不可埋秋墳聽  
哀嘯

刺促已刺促苦辛長苦辛生死天非天榮悴人亦人靈蠢  
各有類鳥獸同號呌痛惜何嘗知噓哭了無聞有淚不能  
制爲此平生親寡妻與弱子其情豈忍云鼠嚙遺文卷蠹  
網空酒樽虛堂不忍窺帷燈類青燐痛逝行自念斯須百



年身

口號

露柱燈籠共夕晨  
隱囊嬾架了閒身  
極知識字鄉風忌  
置酒難招好事人

捫舌瘖聾尙未能  
兒頑猶費譴訶聲  
閨房只少高柔福  
若論優閒已半生

顛當守穴將牢甚  
國貉循聲附和工  
羽翼無端施白鳥  
衣冠

底用飾青蟲

劉咄以進士爲青蟲  
見通鑑二百五十

初秋寄懷屠孟昭

商飈挾雨戰炎涼  
三徑寥蕭兩鬢蒼  
數翰墨場新輩少  
開

文書篋舊情長餉錢不擬顏光祿飲酒猶思顧建康官職  
粗酬詩過好要期門戶付諸郎

茄子飯猶親膳闕桃花米亦宦囊空秋懷次骨宵吟裏書  
味蟠胸宴坐中追悔自多循少壯乞憐差勘保衰窮禮堂  
寫定知何日未免間愁動此翁

雞頭粥

便作硫黃服播盆擣卵菱轉喉珠琲細充腹玉漿澄苡薏  
仁同瀹桃根麵莫蒸舉家那辦食盛饌老夫應

幼學堂詩稿卷十六

吳縣沈欽韓文起

中秋黃蕘夫宿吾與菴折簡見招次日赴約集見山

閣得山字

玩月頭籌讓留詩舊例頒半瓶傾濁酒一閣獻羣山  
局局鐘魚歇戎戎竹樹環佛香騰水鏡仙露沐煙鬟  
風定猶搖燭雲歸始掩關人行稻畦上蟲話豆棚間  
霽彩毫端放秋聲枕畔還對談知敵勁參聽得僧間  
小病吟情輟新交客氣刪菰蘆自奇士與爾鬢俱斑

時得琴南書大臣謂天下未必有真才之語聊及之

過中峯南來堂次蕘夫韻

怖鴿三衣蔭驚蛇一筆書古錐埋艸後蛄勒覆灰餘竹密

日光漏山平雲意舒家風自衰謝莫問剎竿初怖鴿指園初嘉定侯

氏事

吾與庵十詠

絮雲襯蘆圖四大了無觸朝鐘送雲飛獨鳥下庭木披雲艸堂

山外復有山住山眼轉礙芥子納須彌須知此閣大見山閣

倚杖偶吟詩詩成曳杖去花藥向風翻邀公且少住倚杖處

大士坐雙林老僧摩獨樹根透涓涓泉稍垂蕤蕤露獨樹廬

雨蛙閣閣喧風蟬者者發悠然倚鰓頭一泓浸明月柳池

袈裟染碧鮮疏班長夏結更好雪中聽宵深一箇折竹院

掃葉煨壺茶寒林悄如許落月逗前窓疎花剛半吐

梅徑

秋架掛疎星青蟲相對語山僧清夢迴夜涼數點雨

豆棚

青氍騰露珠蚱蜢人前哄秋半攜酒瓢秋深洗飯甕

稻畦

橋邊水鶉鵲曾識遠公過清磬敲斜陽老樵弛擔坐

溪橋

### 光福東平王廟

胡笳吹亂夕陽紅力竭猶能作鬼雄假手豬兒終殺賊斷  
頭南八竟從公一城河洛腥羶後諸將江淮宴卧中今日  
吳儂舞瑤眊寒泉秋菊共家風

### 八月大盡日同鳧舟竹堂登鯉山漫山木樨盛開

松桂悅山靜禾稼敦秋晚幾家寥落村數里紆迴坂簪鏡

忽晃蕩繡屏仍偃蹇披林露華高列岫風馨遠畫欄疑故  
宮飛蓋憶芳苑金苗散煒煒石骨縈蜿蜿雲遲媚濃熏波  
平襲微烜薌澤被名都采掇勤孤燼霓裳孰娑娑綢羽相  
繾綣天末埽空青高浪蘆花偃

沿湖出錢家礪至玄墓山深人靜觸賞幽妍

煙霏破磴曲蘊房列山家澹沲半袂抱峭蒨百雉遮池渾

漂擇菜

擇棄也見家語注

屋欹垂圓瓜幽醅分風送澹碧平雲加

靡草罅丹實雜樹搖紫花炊新農語樂拾枯樵影斜畫圖  
足近攬詩心歉遠嬌修鱗忽戰雨紺宇如蒸霞佳處便小  
榻意行散頑麻

自嚴山塔院入倪家巷小桂揚菁景物清綴

薜蘿颯暗雨收麥弄晴雪網絲庭籜乾幡葉龕燈滅聚米  
肖遙岑驚麇逢野衲土堆山藥肥瓦楞稻豆結笠影官路  
寬籬根邨巷折女桑蔭穉桂綠油透黃栗野園飄餘香苔  
垣嵌落屑池光明滿眼松吹涼入骨蛭蝟導我前稻芒聲  
浙浙

次日泛舟下崦至澗上潘氏園亭

巒容獻蓬窓水色清自照柳絲罩垂竿蘋花顫過櫂小泊  
當斜陽偶步展清眺雲壑本天然池館粗能肖長廊桐未  
陰疎櫺竹已嘯山亭水榭倚白波青嶂繞菟裘老空營鶴

影孤相弔榴房紅漸坼花冠艷如燒潘生釀法傳  
潘邠老見東坡  
集酒徒有常調斟酌秋光中記此開口笑

雨後由鳳鳴岡尋石止菴越虎山橋坐池上草堂

秋茅高沒羊微徑畧可邏薇花失主開磐石無人坐灘腰  
夜雨平衣背北風大古樹覆尼庵壁立腹穿破摩天龍避  
撐蟠地鼇怯歇土偶盈龕排經卷計錢課雙崦虹梁開一  
葉浪花簸腴魚接墜葉賓雀銜新穉草堂懸松扉茶煙起  
土銚菊籬綻金鈕蕉窓鏗珠墜雅遊何時忘布韞泥新漣  
鳧舟爲余置醴申吳徐諸子亦並以醇醲招邀品嘗

不一戲作短歌



平望細麴真珠紅黏脣一滴如蠟封浮盃盞盞馬乳醴橙

香透鼻寬心胸東陽恬酒稱蕭公

見梁元帝金樓子

鵝黃酈淥顏

色同別腸導引丹田通女貞福橘原家風鶴觴何藉沾郢

筒潘生釀法焦革工芝華銅井媿樊桐清芬不啻傾碧筩

上尊美祿瘳衰癰冬釀接夏醖再重索郎翕合如笙叢茶

品已門密雲龍主人撝挹猶告崇

鄉飲酒禮主人再拜崇酒注崇充也言酒惡相

充狂奴故態判一中十年飲濕思萍蹤

東坡詩五年在黃州飲酒但飲濕

惠泉鍋已等頑蒙百花木瓜皆老傭紹興高粱苦阿儂劇

若刀箭鬪上攻快哉一洗猥酒空不滯不泄春融融狂朋

沙汰歡伯充獨客斟酌尤從容金盤露飯誠齋翁

楊誠齋詩自注

家釀醇者東坡釀蜜身作蜂何須葡萄天門冬糟丘今日  
爲金盤露真登庸醉鄉草草王無功

張山人送杏花一枝索賦

紅杏深秋門晚妝野園分送一枝芳籠頭縱有簪花興只  
愧星星兩鬢霜

粥香餲白燕來初卅里風光錦不如莫怪淒涼貧女感  
春占盡宋尙書

童子軍持汲水譁豈宜遲暮炫才華山香一曲隨風舞  
輪與陶家穩重花

軟紅塵土厭京華老榜殘年益自嗟我識張翁調笑意背

時人看過時花

錢改齋餉武夷小焙索詩

建溪官焙三十二北苑首推苦竹園步武纔分色味減沙  
溪佛嶺殿壑源漕網馳上驚雷莢豪貴傳玩空流涎天地  
菁華有消長武夷白乳陽崖蕃散焙輕點膏未竭二十四  
器堪半刪古碾屑今全葉故陸羽二十四器大半可刪烏帶白合茶病略蟹眼

魚目湯候難嗟余此事無能役一貧只重瓢與簞皋盧授  
染赤如血策勲亦足祛昏煩風流復有錢安道晚甘遣侍  
書帷寒收藏諒無佳客供野裡自拾風爐煖雋永試燂兔  
豪蓋滿面欲聚雲脚翻色紺馨歟字見茶經蓋洵門品一

水兩水須與歡秀實寒乞左顧笑君謨老病旁煎看咄嗟

癡物纖纖捧嬾床摩腹核堂餐集韻修食至咽此酪蒼頭乃愧我

藜莧腸肚澆瀟殘文史物能博先飲闥中又無李易安期

君發興置茶具范蜀公偶有之溫公驚曰景仁亦為茶具耶都籃一杖尋秋山

煎茶博士試三昧五盃共賞楓林丹茶經云一爐盃數少至三多至五

鹽鴨卵謝肇甫

承州積水環遙隄羸羸飽飢青頭雞綠蒲聚沙白團產耶為

白團見法苑珠林魯雞欲伏疑兒啼鹽霜灰滴代蓀菴紫金赤土

佳封題李兆洛鳳臺縣志紫金山產赤土以和鴨卵則卵中黃色紅潤籠盛南北供鮭菜

金明池上故事稽混沌面目難雕鏤雕卵見管子鏤雞子見荆楚歲時記乾

坤縮蹙藏端倪豈知通理含至美膏流丹溢披團臍玄黃  
變色正不惡碎援亦芼薑與醢糟丘風氣固小遜

糟鳴卯  
經年尤

佳

杭皮色澤那便低舉家正食兩弓米每飯不忘一九泥

重之可捨干城將一欄易畜艱糶粃嗟君空飯未暇泊五

卯輟饋煩輕齎盛拌剝落厭腐齏

廬陵集注均人以  
腐魚爲落頭鮮刺箸

旋轉驕蒸藜不持嚴法華供養何意磊落堆圓糲雞陂鴨  
城石湖側生活自可分耕犁韞蠢俗物啖馬矢貧饌聊爾

參黃齋

歲除詠物口號

皆俚俗相沿補石湖俳諧  
所闕以爲風土之一端爾

送竈柴

冬青柏子幾樞分屋角光明再拜焚宰木百年誰保得荒墳拘盡向新墳

年饊

纔分臘粥浙吳稔口實新年口數贏打量乞兒知氣象隔鄰已有討饊聲

鄭司農云清朝未食先進寒具口實之邊

門神鍾葵

唐賢風味逐年灘面目崢嶸鬼慣看一帶稀漿乾閣了傍人門戶不成歡

撐門炭

烏銀不辦滿爐開年景些些掣爨材冰冷蓬門好支却更

無人送雪中來

安樂菜

菜根咬到齒牙殘  
非福能禁恁地寒  
着個一窩書萬卷淡

鹽齋犒爾加餐

廬山歸宗寺淡  
鹽齋最擅名

萬年糧

饜雌捽茹久忘吾  
隔歲餘糧幾日娛  
直得人生數寒暑  
東方何苦羨侏儒

壓歲錢

搭揉漸覺小兒嗤  
年例山渠那管貧  
所得幾何迴笑臉  
爭教十萬不通神

春聯

租牛券字耀門楣一幅稍來得便宜小試玉堂春帖子都  
都平丈詔童兒

挂錠

工夫刻楮巧編連趁作東厨買宴錢此癖鬼神消不得可  
伶竊棗有諸天

貨郎兒擔

粉黛成包花朵新叮嚀深巷喚頻頻東塗西抹誇時世可  
念天寒袖薄人

朱子舍送黃芽菜餠酥



京東晚菰披玉葉吳下乳餠粲雪膚飢腸聞香抄雲子重  
樓咽波揮酪奴挂頤朱冥搖食指行官輕齋慰老夫頗思  
羹滑批禁鬱急玩膏面除當壚如作象箸不糲食子乃困  
我傾貧厨杜陵布衣愁餓死畦丁菜把幾日娛權門絡繹  
致土物牛酥百稱猶嫌麤鄧洵武留守西京以牛酥百斤遺梁師成江端友作牛酥行  
定知措大眼孔小鼓腹正爾權錙銖愧君悉索無可報哦  
詩有字非驪珠

宋子京

老年文字始嫌吾少日齋鹽不負渠翠袖幾行圍絳燭醉

中灑筆草唐書

程正叔

紛紛五鬼滿朝政只少尊兄豈弟風却怪髯蘇善嘲弄麀

糟陂裡叔孫通

聞見後錄劉器之論曰程頤歐陽棐畢仲游楊國寶孫朴交結執政子弟指紳之間

號五鬼按器之爲溫公高弟持不欺之學與蘇氏素異論者也

除夕偶望

雞栖爭上樹鴉陣嬾行田  
白綻梅梢雨青浮竹外煙  
呼燈挽往日飛雪趁新年  
何必山林往柴門故悄然

雪中作

綿綿不已雪爲祟  
默然亡何酒策勲  
相對顰眉竹尊者堪  
邀煖眼芋郎君瀉庭  
暗似翻盆水嵌嶺明  
于出岫雲料得

故人無荷鍤兒曹底川掃門勤

雪消

鳥爪星星全未搗龍鱗昱昱已如蒸檐溝聲急晴天雨屐齒痕融陸海氷竹倚風輕聊綽拍山屯雲重尙模稜詠花人顫鵝屏夢欲畫江南春未能

正月二十六日黃堯夫過訪辱賜詩章并酒脯次韻  
雨汁忽經月前榮未覺春足癰門久杜眉鎖鏡誰伸旅進吹竽濫窮年刻楮真多情黃叔度爲拂半牀塵

杖履頻高會能探郭外春絮雲樓角墊絲雨水痕伸詩入新年富交從白首真還持一尊酒慰我甑中塵

二月十四日銅坑探梅

新詩倚櫂緩聲歌下崦人家蝦菜多不爲梅花遊亦好一  
奩明鏡點晴螺

銅坑撥舫面迎風山脚噌吰響石鍾水鳥莫嫌遊客少遠  
波一點策先鋒

邨落西華望蔚然簑簪日午半桅懸煖風鼓籬紅纓簇爭  
看新郎過大船

屐泥微帶前宵雨額汗全催半日晴水濶山高行不得將  
無歸去謝梅兄

斷橋流水暗香隨不怨斜陽立少時照眼玉瓏璚一樹分

明銀燭粲吳姬

宋宋檀心閣絳囊幾能不嫁好時光遶枝收拾梅乾去銀

葉微烘夢覺香

隔歲青子抱枝而枯者最芳烈疑卽艾  
蕪香也山中人謂之梅乾以罨茶食

十五日菖蒲潭探梅

封姨戲駕白頭浪未礪滿林春睡濃得得一株開最早風  
鬟霧鬢若爲容

蝴蝶墓門飛不到吾儕壓角坐須臾飢時便把梅花喫作  
底遊山帶餅爐

批紅判白空空手羨殺潭西郭橐駝世守內園栽接使抵  
他堂食萬錢多

移花分蝶語圍丁一日恩恩罷不能未遣回頭有惆悵清

宵相伴讀書燈

鳧舟送紅  
綠梅兩株

花國宣巡思頓遞牛欄矮屋一瓊青啜茶格是殺風景打

當先生送五經

山雀能爲翠羽聲折資春半未聞鶯閒行要補梅花衲剛

遣疎枝點綴成

盆梅

密密疎疎意朱朱白白姿一人幽賞足幾日嫩寒宜的皜  
猶洮雪玲瓏與透詩癡齋仙蛻久孰爲寫相思

送屠孟昭知九江

四言并序

孟昭以守闕知府癢痾田里有年矣一朝疏

御屏

之名動春雷之蟄不由試守擢領名郡官人之切曠世  
一遇孟昭躬將明之才當有爲之時其兢永淵圖報稱  
爲何如也僕夙承交好顧然明贈言之義遙抒篇什以  
光其行

洪鈞聲開精鏐於煥天網斯張潛珍伊獻農鑠吾友令聞  
自中東南之美不觀竹箭惠風汎蘭修雲擢幹遂偕賓盟  
遂奮四科讀書秘館將職編摩譬彼江漢導源岷嶓肆于  
百里需才孔嘉試予以政豈曰遐播

補何切

臻彼江介期月

有慶暇之彈琴勤亦戴星髦士車載匹婦機鳴三得彌慊

四善載揚邁往滋媚允廸持盈春菁方沃秋暉已謝投檄  
奔喪瞻林慨舍孰云其邛五年高卧曩予之思子時命駕  
及子之憊芳徽疇假後武 聖皇敦戎賢路彈冠濯纓

羣英輻附之子茂寔匪朝于野鶴版頻繁虎符偃僕銀艾  
匪榮巖穴歌舞矧茲尋陽實惟名邦單車下教五城瞻風  
毋迎毋距不柔不剛但勞撫字竿牘弗通但守惻惻聲華  
弗崇迎吏從從子行有日往踐大官如臨小邑昔子先君  
夸滯是皇就養明廷不違蓬華慶其鍾子敬揚先烈匡廬  
獻翠彭蠡滔滔鹿隨車軌虎渡江臯不獲不極曷副

龍優

於喬切

出處殊途榮瘁異條一觴有屬引領長謠



題吾與庵鐘樓

木末發鯨鏗晴窓面面迎遠青隨客至新綠向樓生稍撼  
栖禽夢仍分解籜聲門椎敲百八遙指嶺雲橫

尙欠僧房睡聞根徹夜清松風吹處遠蘿月定中明密竹  
暗催暝幽花晚弄清金山傚歸路還送隔溪聲

題宋錢景謚答充守趙度支書

鄭介夫讀書江寧清涼寺王荊公宛轉羅致之終以奮  
言天下利害幾死錮之終身錢景謚爲荊公所解送孜  
孜然推譽不及師弟之分定矣亦以正言新法不便屏  
絕于外以死句之兩君子豈沾激于名哉以義酬知已

不得已權其輕重以自完焉嗚呼偉矣介夫事磊磊在  
人口而今之學士大夫無知景謚者其姓名爵里載邵  
氏聞見錄而宋史撮其書中語爲傳則修史者亦罕能  
詳之余故表以詩

新法新經火迫行老臣愁歎小臣爭好官未必能籠絡拭  
目熙寧魯兩生

鳳皇盡受訓狐哈傳法紛紜護法來椽燭肥羊享奴輩不

知那個壞人材

蒲宗孟對神宗言天下人材被司馬光壞盡使溫公爲相宗孟能享此富貴耶

曉猿夜鶴乞年光赤馬紅羊付主張賺殺蔡郎朱墨本分

明丁使戲排場

教坊使丁仙現也蔡卞取安石日錄以竄舊史熒惑觀聽幸其朱墨本未亡紹興中

因得改正然李壽長編猶載目錄云備載其言以見安石無忌憚之甚然何如刪定免學者眩目也

### 憶京師城南海棠

尺五園前卓酒旗春衫風軟撲燕支十年夢斷春宵雨正是蕪青花落時

瑞錦窠殘又一年薺花如雪野牆邊惟應玉蕊唐昌觀驕得燕山老蜨仙

### 戲贈胡眉峯

生龜脫筒俞清老瘦馬立轂林爲之

眉峯中歲有傳其出家者而無緣脫俗如

俞清老也弟子肥如瓠先生瘦如骨山谷贈林爲之詩

正以三杯淡生活更于一枕

小機宜波瀾不起成智井香火全無似廢祠錯認石霜村

蔗滓飛揚可奈少年時

李補樵道士送碧螺茶兼酒

洞庭茶塢冠水月偶揀小芽龕供佛誰令包裹鑽龕官干  
杖敲鏗動幽蟄天生瑞草翻爲殃吏捉民雞破僧鉢往時  
虎阜白雲茶忍死根株痛剗絕碧螺峯下山邨長穀雨青  
煙焙箬香只須靈源

碧螺峯  
傍泉名

較一雋底用門品充初綱枯

腸搜括夢奇渴烏蒂白合滋嘔噦珍重玄都兩匣貽竹外  
濤翻雪甌活方外論交指石鼎清風引我天池頂兩鷗併  
壓松膠春惟恐對花殺風景烹茶不雜雞蘇煎酌酒攤驪  
手一篇僂子肯爲兒旱魃

黃魯  
直事

先生閉戶已十年作畫時

詩俱不惡雲臥亦未下山脚想師盤礴解衣時似我沈酣  
讀書樂先生自樂妻孥病何不強起營三徑眼前擔得茶  
酒爐勘災沿檄還樂無

宋時士大夫並以茶酒爐隨身今惟印官猶有此風耳

### 橫塘

越城草色吳城接家在巒容川色中菜地黃黃攢印子甕  
天碌碌積芻童

市宜興陶器疊如樓櫓狀

高臺枹鼓鳴夷客盡舫吟尊

壽櫟翁只愧平生釣鼉手石湖間殺綠楊風

### 題陳希夷睡起圖

巖扉欠伸畢五代笑口如河墜驢背後唐進士宋官家蘇  
壁題詩志亦大他人鼾睡那相容九重帳轉一榻中

間見錄帝

幼學堂詩稿卷十六

謂趙普曰睡不能著一榻之外皆他人家豈知日長援鶴靜鼻息正爾搖松風

往時鐵棒偶相揖二帝一公酒家集學究何曾識字來花

面不羞神筆抹石林燕語太祖以筆抹趙韓王而曰汝爭得如盧多遜貴人滿眼無

仙骨一枕黃梁催蒜髮何不喚取乖崖張老子同夢十洲

三島裏

題王明清揮麈錄明清外家為南豐曾氏在姦臣傳之曾布其外曾祖

鐵圍山訟死老魅揮麈錄明會子宣但有家風通翰墨也

教幽厲快黃泉布子紆作釋誣明清承其緒論遂極力為之營護

章甥亦有黃師是牛糞堆中芝草鮮斷當敦夫先朝露蔡

郎破汝草鞋錢山谷荆江亭絕句敦夫若在鐫此老不令平地生崎嶇謂其父那恕首造宣仁后之

謗也愚按敦夫不幸早死君子猶有稱惜者若  
王雱蔡卞何爲哉凡子弟宜以敦夫爲法可也

### 立夏日

園林爛漫百不窺牆外柳花時墮衣二三眠蠶儘晝永一  
雨陣雨將春歸短夢欲尋茗盃崇遊絲未歇香爐霏端須  
竹光覓一醉梅子生仁豆莢肥

### 初夏 進退格

春不商量悄然去吾儕端亦解忘機濃桑陰下接麤麥新  
酒香中嗽海螵花片風輕燕巢定水紋雨過筍船稀北窓  
天際真人想已是蛟雷吟喝時

### 海螵川黃魯直食筍韻

蝸喻等渺躬是豈供鮭菜漁獵波汝曹覆載工見賣但假  
桌氏量無勞陳孺宰泥沙與澄清蠅蟻思破壞藏頭賦鹽  
筴斷足償錢債巧伺寄居蟲棄殼取自介亦笑過江傖大  
嚼不帶芥往在廣陵饑春吳穀人祭酒出此品蓋鄉此技  
味也江都汪大竹素不委乃鎗齏齒牙間  
輪纖兒聳喉快一嘬齧卷若雋永臭腐堪噉噉么膾皆含  
生何用恣漉采

食筍仍前韻

朱泮漫無施籜龍當家菜蘭栗亦未供尺握作斤賣鼠壤  
藉他人有爲不自宰口腹累此君數輩兒孫壞稍醒草芥  
腸不償殺青債不忍著臚盆參佐薑與芥高韻憶文同苦



節懷石介幾回咒南風敝簣猶擬喂免對值杜韓髡斬一

口噫

杜詩惡竹應須斬萬竿  
韓詠符兒癡調盡髡

安得千畝園剖符爲食采

### 題黃山谷內外集

陳推蘇挽信多緣便是叢林七祖禪妍妙輝光端可覓全  
人反覺脰肩肩

跛鼈欲追騏驥後撩天四脚踏泥滓固知名下題詩易風  
義終憐李仲寧

紙尾不書陳運判花前却吟王舍人閑窓細嚼江瑤柱往  
往泥沙礙齒齟

歐舞梅歌醉欲扶當塗風月更楊妹人生得意誰能料又

展宜州萬里圖

借書戲贈黃堯圃

歐九近視少讀書張公一閱銘胸膈鄙人健讀復健忘況  
值一貧事事借去古彌遠學逾艱九十程功纔半百借未  
入手問還期何啻旱田仰水則忽盈忽虛一閱市日納日  
消兩頓食縈心曲折蝸留涎過眼虛空鳥滅跡欲追叛亡  
失其符了知窟穴無能役有懷平生未見書日譽龍肉難  
求炙何須心量彌許大恨不囊頭兔園冊久知黃侯富圖  
籍杭蜀檢詳有朱癖于我不將家約施嬋娟相好通脂澤  
惜哉黃侯亦苦貧高價漸撙歸有力富人只辦謝萬豪編

錢作簿聊夸客鄙人但求有字書經涉稍多意可測扣公  
囊底固不貧跛牂未敢望牛瘠發棠後命幸籌款戊甫偏  
師乞番直愧少一瓶酒相將爲公校理別朱墨扁舟堪寫  
借書圖畫師今恐無林逸

銀魚

遠水飛絮亂淺灘晴雪收鱗殘鳩一族藥滓漉千頭垂餌  
何曾識烹鮮亦自羞那知么磨外鼓鼙覆滄洲

題黃香涇遺畫

羊城春暮袂衣寒采色新調露未乾一霎木棉紅雨過佛  
桑花外日三竿

幾隨蝴蝶作飛灰嬌女猶攜玉鏡臺一朶妖紅解人語題  
詩須待子瞻來

題陳后山集

后山材品固不以王鞏李廌輩期之然亦有不解者當教授潁州得值蘇公

堅不飲酒其後閑居復云莫欺九尺鬚眉白解醉佳人  
錦瑟傍又云大放酒腸須蓋乾又云南隣却有新歌舞  
借與詩人一面看甚則顧疎簾通幽夢效杜牧之清狂  
豈學佛人語哉山谷中年爲發願文假佛蔬食晚乃擘  
蟹烹鵝極滋味之養大抵宋人堅僞敢行持久不可掩  
介甫正叔所以紛紜也其詩蹇吃盡文已甚任淵巧爲  
疏通土木而文繡之  
終不能掩其朽鈍也

任生定非磊落曾公別有寒溫一塵漫參曹洞百金誰攫

韓門

三印堅持西竺一杯肯爲東坡漸想佳人倚瑟遙同居士

烹鵝

新經罷門前鵠微官動殿上虎一寒不借奇溫江夏羅襦  
久裹

死港引人絕智閉門覓句騰嘲誰辦哀梨并翦髮香試爲  
孟郊

鰓魚

楊花逐春潮青條貫吳市適如樸子大瑣尾誠贅耳天公  
復小靳銀鱗不汝界磨刀姑藏之寵妾洒然喜骨鯁真取  
憎人情悅軟美穩送喉吻寬吐棄真無幾稍投狗碯墜搖  
牙聲不起四時評食制首夏無與比筍嫩蠶豆青盤食易

料理十飯九不肉得此意良已但憂炎風扇平聲落頭鮮無  
似

示箕衍

空憐擾擾魚同隊難評昂昂鶴立羣譬口漸聞呼蠟鼻私  
心猶望長蘭筋知余問舍求田拙在汝修身爲學勤桃李  
不成荊棘滿可无阿買張去聲吾軍

追次黃香涇韻書所貽收石長老蔬果畫卷

自子入鬼錄歡顏鎮綽虐檐瓜蔓仍垂庭葉帚誰縛雄心  
折種菜一稊地未畧慨然追幽風灑墨阜螽躍莽莽上林  
蔬灌漑心苗作羅羅桑門饌采擷爪痕著尹白與陶續人

尹白始爲墨花東坡題之疑前此未  
有也陶縝菜畫譜不載見王半山集  
佛屋深藏壑海會半  
頃園秋高風索索按圖指食單醯鹽易勺藥畫師示實相  
藏神守常樂百毒殺殘齋一鉢芼餘藿委蛻各菌蒸沈痛  
親艾灼桑棗循良課菽麥清狂度老我濩落難意趣苦匏  
託應添抱甕人槃散繞邨落開卷風露香題詩冰雪嚼肉  
人不鼠如拖腸流其惡日使旃陀羅滿城搖鈴鐸

傷邵堦甫

良醫不遇初和甫風命仍爲盧照隣五月下旬庚子日石  
湖人作汨羅人

知君乞死彌三載死後黔婁百可憐更沒江家小兒女誰

營湯餅哭明年

死日卽其生日

橫塘一櫂聯觴詠病體蹉跎尙苦邀名士枉將炊餅畫好

詩賸作紙錢燒

乍可容容龜曳尾罷休劫劫豹留皮看君有慧終無福似

我猶貧已較癡

### 狀元籌

莫作崢嶸氣

幽閒鼓吹以喬彝崢嶸不得解頭

頭籌有慣家鎖廳名自奏

曳帛手空叉羶羶成孤注巍峩得渾花與郎聞喜宴笑插

玉梅斜

### 紙鷲



便足凌雲志都忘縑索功稍低鷹側翅歟起鵠盤空辟仗

千尋響傳烽一點紅沈寃猶不洗箋恨乞天公

獨醒雜志  
淮陰侯與

陳豨約從中應作紙  
爲期謀敗身戮

### 面具

面目饒伊換心肝肯汝回高耶穿陣出褚老障羞來故物

同遺笏

狄武襄事

精兵更背危

銅臉韓家鐵臉張家言韓家軍帶銅面具

桂江八百

具若箇好人材

老學庵筆記桂府面具天下莫及所貢一副乃至八百枚老少妍醜無一同者

### 泥孩兒

塗飯塵羹裏居然竹馬鄰得憐桃梗妒與弄粉侯親黃胖

還爲土靈媯惜此身鄜州小兒女話舊一酸辛

鄜州田氏以泥孩兒

名天下見老  
學庵筆記

不倒翁

喚作酒胡子龍鍾力强支脚跟猶自穩面目竟何施小着  
參軍手能開錄事眉諸公拚醉倒可惜舞僛僛

題張進士應雲陶然亭餞別圖

春開讌罷感麗駒齊魯驪迎赤轂車初入宦途心地好了  
知官事友朋疎亦嫌老僕生新敬盡棄時文驗古書他日  
懷甄頌遺愛諸公衮衮復何如

中秋同黃蕘夫宿吾與庵是夕月色不佳

載酒呼山月猶嫌地主貧停橈遲一飯買柳得雙鱗遠馥

籠青嶂微波蕩白蘋鐘聲迎客近雲色霏天勻攤卷分僧  
榻關門散妓塵今宵拚擊鉢隔歲爛鋪銀張燭傳餐急攜  
筇上閣頻輝輝開木末晶晶問河津稍喜雙眸展仍邀半  
面親吟蟲相鼓吹班草與馮茵瀉杓嗟無術傾壺幸有醇  
松亭曾獨立竹徑且閒巡消夜歡仍故尋詩局變新年年  
足清賞老筆動如神

中秋後一日與龔夫坐雨山齋題澄谷大師話雨舊  
圖以杜詩十字分韻得已公茅屋下五首

霜果啟齒粲風篠折腰倚涪翁新句子揮豪託齊已雨意  
濃於酒蠟屐難料理清吟得檐聲今昔聊復爾

山門無剝啄茶煙澹搖風列嶂寒擁絮老綠撐空濛詩成  
雨益急檐溜鳴淅淅眠月讓吳質停雲悵陶公

家風間寒石三間蓋頭茅園蔬喜供客留詩費傳鈔雲龕  
人寂寂邨舍雞膠膠秋蟲重鳴咽吟苦如孟郊

秋懷掩柴關畸人慣孤獨洗硯就斜溝移書避漏屋幾能  
借僧窓談詩侍松竹便衝烟雨歸孤舟睡自熟

老樹能嘯風亂雲作奔馬槁梧但目存麗景非藉苴秋嵐  
碎屑空雨脚山其下餘潤到詩腸紙墨供蕭灑

無隱庵分韻得隱字

日光穿漏更寒暄桂香泛濫迷遠近扶頭苦竹尙垂珠暈

頽野花新褪粉蛇行一徑折牆角鼃伏半潭礪石叻山堂  
高有綠中餐沙徑淨無塵可投松粒分風雲陣崩栗皺罇  
雨苔泥墳僧如鴻仰傳衣來我愧巢由買山隱詩境無窮  
最後圓秋心不盡從前蘊偷閒一榻展圖書笑摘萱蘇與  
蠲忿

勿學堂詩稿卷十七

吳縣沈欽韓文起

將赴宛陵留別親友

齋鹽送老有餘歡分作長名勝內官  
賴是一生閒處着瞿  
礪不作俗人看

中江東下簇昭亭家具無多只五經  
滿眼故人重煖熱可  
無張徹宿寒廳

汪生

天鱗

數見訪意氣甚厚並乞留余著述辱詩相

示奉答

老物羸垂已可憎鉛刀何啻發新礪  
敵年唐尙方爲史薄

宦匡衡漫說經豈有舊聞貽小友空將故紙累添了十年  
寥落棲家巷無奈分攜眼暫青

正月月中旬穹窿道中

落梅風勁拍衣稜一月春光尙勒停雪罩松巒纔破白煙  
抽麥壠未全青雞催客飯攜耕耒犬導人歸擔酒餅安得  
移家向深塢免教人識伍喬星

無隱庵四詠

松寒泉復寒翠微深雙闔橫枝舞蒼虬歲月較僧臘石骨  
被濃薰苔紋盡艾蒨春風爲散花香雪繡盈袖我來惋稍  
遲攀條繞幾雜何如披鶴氅一逕雪中闢空有惜春人古

佛笑無答

問梅堂

羣峯鬱鬱抱凹處  
冰輪涌不知天闕懸  
疑有山神捧巨石  
塞軒窓  
仰首見瑋琪清光散  
林樾輕雲化洶落澄  
潭時聽潛魚聳萬鱗  
自孤寂草根暗鳴蜚  
道人詩思寒米  
囊一肩擁

涌月軒

嵐光木末飛  
日色苔紋漏  
佳客循廊來  
窸然笙簧奏  
靚妝  
衣袂鮮軟舞  
腰支痠叢叢  
蕭郎筆石屏  
半天綃幾竿  
偃雪  
深滿林  
颯雨驟  
四時無不可  
蒲褐貪宿留  
想見苦筍抽  
春  
深一盤仿

倚碧廊

亂雲競奔馬  
四山作馳道  
一鞍跨高閣  
意氣凌蒼顙  
全瞋



幼學堂詩稿 卷十七

暮樵歸孤明殘霞抱積素已鳴泉東風未綠艸細語接幽

屨巢楠正靜好古松入畫圖疑出畢宏稿狂欲借軍持山

邨沾漉倒

陳造詩山瓶餘漉倒注邨人以野釀各漉倒飛雲閣

梅花歎

窗前玉梅我手植已作兩春譜知識今年惆悵將訣去不

辭爛漫逞顏色根荄雖淺灌溉功芳烈自完造化力去臘

苦寒萬木僵珠琲纍纍伺消息霜鬢雪鬢保其貞却令風

雨勇披靡乍日把杯翠色浮今朝狼籍塵沙黑吁嗟志士

偶舉手百祟睢盱巧摧抑凡葩惡草滿川原東風多謝吹

嗟急

入春以來甚煖則寒寒極復風風止則雨互相圖回  
殆無佳日春分前驟煖易日作寒繼以震雷夜乃  
大雪此亦五行家所念者紀以小詩時道光三年  
也

裴葛相更一日催賣寒賣熱是黔雷轟轟震電先開隊勾  
出天公玉戲來

豐隆青女笑周遮了事封姨是歇家賺得做裴剛換酒卻  
教攤絮看飛花

### 登舟

一官小博士數日上農夫心喜登舟適腰愁執版趨兒頑

呼覓句婦健看縫襦只作浮家好人情重可吁

陽湖道中小寒

要釀清明雨春光亦有涯綠醅全泛水白筆半簪花午枕  
恬風緩春場聞日斜短亭四五里天際黑雲遮

清明雨

無處尋花柳推蓬雨亦佳爛溪新漲起貍渡濕雲埋艇背  
魚鷹掠蘆根蝦虎排山塘小兒女閒殺踏青鞵

宿固城鎮

水面疎星上橫舩桮柳椿擘流奔百瀆負土截中江短夢  
搖征櫂潛鱗躍下瀧長年夜深語冷雨打篷窗

渡高淳湖

擁絮更支短枕撥爐自焙孤檠安便風力帆力拉雜雨聲  
水聲遠渚棲禽未起前灣釣艇猶橫欲問臺濊遺跡重重  
雲擁江城

宣州懷古

滃滃卹酹倚半酣苦無鄰舫與深談橫江千騎奔蘭石繞  
郭雙溪落響潭精卒田頔山削鐵新詩謝朓水拖藍衰年  
已罷登臨興黃蘗家風或可參

寧國溪行口號

一重山去一重來一道溪流百道迴水陽柳向中流挿尺

幼學堂詩稿 卷十七

許波肥轉怒雷

前山雲盡却生煙  
細雨斜風儘歇船  
石底遊魚篙眼聚  
磯頭宿鷺纜橋拳

壯夫十萬蘊雲根  
鍾梵無聲掩寺門  
想得千尋飛瀑布  
一篙添上釣船痕

得魚不賣釣魚師  
排悶都無酒一罇  
睡足雨絲風片裏  
向來只道冷官宜

沂東溪滯留五日遇順風方達河瀝溪

峭舊柏枿山青入宣城  
郭沿河信宿中旗鼓相對著石稜  
剡水開拖舸聲硤硤勢排鐵  
浮圓涌湍快一落榜人嘶絕

叫投篙若投閣知難自欲退止止且維絳泉紳挂雲頭波  
鱗散雨脚枕流與漱石宵夢常綽虐晨食倚帆檣蹙口風  
色作蹲循市語喧眉間愉色各迎吏鴈驚行偃蹇復怵隼  
卑官類兒戲乍喜免羈泊冰廳固荒蕪酒埽愁力薄山城  
如斗大東道更落寞

送葉廣文

選

相逢未穩卽相違寂寞寒廳杜德機餬口一官真送老等  
身萬卷不周饑涼風暫至吾應卧春水方生子欲歸好祝  
長年大雷岸西窗翦燭照離帷

初夏登宣城郡治北樓用梅宛陵題豐樂亭韻

峯色引溪色平視欄楯下揮手向青冥雲脚舞野馬纖颺  
竄林葉颯然白雨灑方奩露鏡光百畝快一瀉走檝昔懷  
遐盡哉今迹假綠淨撐孤幢青裊噓萬瓦積陰从茲豁物  
象不我捨老柏鐵磨瑩不許薜花惹駐日罵調緡尾春榴  
破冶山水覽自都俊遊接苦寡還思跨銀鞍聯句昭亭社  
蟲蟻戰亦酣悵然柔翰把

時以校文赴  
郡故有末句

送李秀才

汝琦

歸合肥寄陸祁生

金斗城中遙問訊蓮花寺裏昔論文相逢老瘦應驚我自  
覺疎慵反望君溫飽不期終若此頭顱如許復何云江淮  
倚席空留滯喜見侯芭似子雲

答李子玉元韻

題襟攜手太怱怱五月長江船趕風儘有高梧宿鸞鳳爲  
誰悽切草間蟲

雨雨風風煖復寒芭蕉新綠展檐端相將河上詩吟罷一  
倚山樓疊嶂看

一寸燭心休更翦三杯酒面藉相扶新詩戢戢雖如筍去  
日惜惜不駐壺

不寐效梅聖俞體

短燭盼曙色黠鼠訶客寐牖間隙月轉瓦響熟樞墜久苦  
每自笑漸老恹獨睡去日不可挽抱此耿耿志



秋麓陳使君以北樓落成觴客

稠疊晴雲倚檻收，混茫遠水拍天流。  
數賢已往仍今雨，五月猶涼似早秋。  
老柏盤龍相對舞，亂山潑墨半空浮。  
欲呼低首宣城客，鐵笛吹開萬古愁。

中元節

露色綠莎上空庭，自啄鴉藏山苔徑。  
竹映月豆棚瓜老遍，打頭屋秋高洗手花。  
孟蘭盆已倒殘暑，尙成糴。

往臥里中許處士黃戶部常相過，從中秋花月映發。  
作數日遊賦詩飲酒，竭來寧國土俗無佳釀，皆東坡所謂醋著水也。無力傳鶴觴，則止飲中秋未見。

桂花生趣索然偶僕人折桂一枝云民家僅有此  
株不作詩久矣聊以貽親故

山灣千斛鏤金塵澗上朋尊玉露春到此曇花纔一現輸  
他梅蕊有雙身廢詩年譜旁行少無酒星盤添註貧冊兩  
俸銀爲歲給婁羅強欲號官人

苦雨謠

修羅疾戰雨兵仗經月耳聾檐溜響行人斷絕魚蝦跳屋  
底漏天不敢仰黑雲一朵起山椒漲空白霧傾天瓢轟然  
劈下萬鈞石滿村人畜捎長蛟縣曹泥水一尺深長官刺  
促弦解琴借問長官何所作大好金錢褚幾橐奔山避水

急擔夫傳語尔民且勿哭小民叩心走訴府長官騰牋賀  
時雨府君色變羣僚駭時哉時哉此縣宰

署令魏駿猷也

大水謠

雨聲稍緩江聲怒南湖北湖相俠輔炎風駕浪幾丈高人  
戴魚頭撇波去杉棺未碎撞高屋簷牀尙存樓老木布筏  
操糧何處援滔滔吳楚空瞪目兀兀青松猶露蓋松下人  
家嗟安在大官封章且報災姦吏酌神當振貸座中有客  
顏濯然求田問舍凡幾年十頃穠稔燒薶盡千匹好絹投  
深淵我謂此非清俸買貧無立錫轉蕭洒官員已歎不聊  
生耐可流民號凍餒

東舍借貓

宵中鼠耗如奔馬鼓腹跳踉奈爾何肯借狸奴疏步逐策  
勲先爲繫紅羅

哭徐閣學直卿

科第如收領底髭鼈峯轉上鳳飛遲九卿不待桓榮老黃  
土能無玉樹悲

學如賈馬班差顯官似楊劉貧尙嘲今日孤嫠衰法賻可  
能回贖海棠巢

登第後以葬親嚮所居  
海棠巢其書舍名也

冗員準倚故交情不獨孤寒淚暗傾我與陸郎尤痛苦折  
腰仍領白袍行

陸祁生信來道教官候考尤苦惟少鶴學  
使可以故交自便一得因問若痛在身

看君登第看君貴  
屑屑卑官望使輪  
生不通書死通訃  
失聲知己復何人

送艾明府

濂

歸鄧川州

當年捧檄指雞山  
懷絕南陔風樹攀  
小住中江理烏榜  
過歸西洱照蒼顏  
畬田俟布輸邨帥  
痰市魚鹽出上關  
直道興闡收宦迹  
點蒼何處片雲閒

次黃同叔愁霖四十韻

天瓢挽九河  
蛟龍尊窟宅  
長江走百瀆  
渾流無寸碧  
中吳爲尾閭  
黃浦洩一隙  
決壩歎崇朝  
撼扉驚永夕  
禾耳沒鰓洲  
松根爛虎魄  
小喜望旣優  
終凶遭備極  
眼穿竹筵黃耳

貼盆翻白臥床三四徙秧田一再易土鴨木杪喧水馬堂

均迹

讀如迹射之迹

郵書塵輓斷學舍草泥積老夫據槁梧跛舛

闕敗壁故衣蒸全微新札黏半蝕益虛十口糧鹽冷三經

席洶洶聞流潦淦淦看沒級每愁山水暴遑顧茅齋濕捧

土亦區區騎危幾得得亮多桑戶悲空使杜陵惻又聞江

北魂盡向波中泣魚龍固宜驕蝦蛭亦相逼去作新沙蟲

還見舊瓦礫一塵桑海沸半劫刀輪急疑報黑螭怨故遣

溟鯤溺炎官喪義輓熱屬藏婦闕成湯旱莫致夸父渴何

及不阿庚辰囚難假息壤塞嗟哉此山城殆而成水國吾

鄉昏墊久行人河淖暗操艦客招閣具汲童代力魴肥賤

啖茹蛾滿暗蟬麥幾能隙竅縮得免犇衝逆青宇奠山容  
黃雲茂土德停橈撫柳椿把竿溫鈞石懷人燈青紅作客  
面黧黑頭童戀升斗厯殘垂五十舟車不通商簫篴悉閉  
糴明年逃死民恐作乞活賊循分揣素餐殷憂竊肝食本  
命何坎壈初官似遷謫向俗聊卑陬對書仍憤激吳淞亦  
可慮雖貧勤辦屐

次董侍御琴南韻

候蟲時鳥促相思幾度涼蟾鑒薄帷笑比黃河清費日老  
如秋樹綠爭時隨他覆雨翻雲慣若箇求田問舍宜百事  
輸君能報國琅玕磊落腹中披

學術文章益老成端如一鶚九秋橫公期史策居何等我  
讀詩書負此生日麗中天多瑞色風傳空谷有哀聲亦知  
一飽艱難甚竹裏燈檠午夜明

白羽扇悼朱子含

故人羽扇相移贈當暑封題到已秋羽扇今年重去聲披拂  
故人初夏竟彌留茂弘端藉遊塵障安石難將小物售此  
日蒼蠅都埽迹西風遠道倍生愁

白牡丹

秋杪移栽盼著花最先百五粲明霞絕無好事攜卮酒却  
破餘閒試社茶未落檀心舒午日半開玉骨籠輕紗未忘



色相聊枯坐不用敲門到別家

竹閒徙倚最清幽小費排當風雨愁月色已殘無映發春  
寒如故稍勾留尙求駿骨煎酥貯欲貌韶顏刻楮謀莫道  
山城人物陋要題花葉擅風流

迎學歎

閉眼識錢開眼不識字青蟲一隊稱士子作養者誰父與  
師先索儒官過門禮儒官暮氣庸且鄙張樂置酒躬拂几  
那知講堂是戲場圍橋觀聽聲排牆高坐羸垂無氣色上  
者農夫次白役學究赤老文武師呼歎聲長免刮席宵闌  
酒盡益岸然儒官罄折送堂前歸詫老嫗吾知足得好兒

郎有此福明日更速好兒郎高坐亦如丈人行儒官軟語  
迴柔腸嗟乎師道不立士心喪禮義廉恥俱消亡吾欲何  
爲理歸艤

扮會謠

俗祀瘟神曰五  
太子駝肩而行

十面破鑼駭雞狗許多太子拍肩走白日見鬼不自醜縣  
堂橫踞三土偶長吏再拜公堂中鈴下餓隸皆鬼雄鬼官  
簞輿鬼卒騎驢紙錢如雨急脚如風黃塵空合奔學宮講  
堂乃爲頓遞館當階下馬烏紗岸挈面解襴作狗蹲雜然  
餓鬼分羹飯東家女婦設薄觀阿翁解事聊開顏西家仰  
屋自竊歎坐視鼠輩扼兩腕東西優劣何足論竊罵西家

勿學堂詩稿

卷十七

拘項漢

哀貓

鄉村狸子乃庸物畏鼠如虎只念佛盆殮分啖不敢瞋人  
前几案公唐突賤之不復齒家畜長繩繫頸聽死活偶然  
市家得蒙貴氣吞鼠輩始一快暫騰而上卽窮追不爭首  
虜已橫潰儒官窮薄食無魚賞功不足肥爾軀捉生蟲豸  
或中毒致爾僵仆愆由吾豈惟鼠穴胥稱慶收錄庸奴氣  
亦盛天生駑材難策厲熟知伎倆何須偵嗟乎我生坎壈  
無一遭所哀豈獨在畜貓

卧疾

寧國水土惡十人九痒疥我來干微祿夙命償此債妻孥  
纔五口連染若傳瘵剝膚盡緻密呼暑無鬆懈老夫希幸  
免唐麻最後屈一拇首發難兩手旋告敗屈伸職全曠蹢  
跚行欲絀猶冀擁蒲褐枯坐存三界規臂復撒豆帖席若  
觸蠱刀鍼困披抉膏散厭流喝吁嗟經月來夜眠無一噲  
噲息也一噲之  
樂見精神訓豈惟五中消幾令四大壞火炎益滋蔓風

淫爲鼓鞞自肩及尻股攢簇工刻畫巨者綻榴珠細者雜  
稊稗隱者痘倒厯聚者陣布卦將護終日勤傷夷頃刻註  
盟立終橫流蠅蚋得飽噉變幻忽風靡診視皆矚怪故瘡  
作皴皴完膚生蒂芥或刺如蛇紋或皴若棗晒苛癢甚遭

螫搔爬禁著械一昔駛大劇連旬艱少瘥縱然蟬委蛻不  
久甲旋斷桃膠暗黏鵲楓癭明裂背家人各含楚撫摩誰  
勇邁偉哉造化力空效子輿喟滑叔柳蹲循神女唾狡獪  
滋味絕羶腥禁忌到葱薤高手渺不逢完體幾能快苦毒  
染翰書嘻其甚矣憊

憎蚊

么膺插長喙婪酣趨大肚飛豹幘脚齊黍民利錐拄或從  
樹皮綻又傳鷓口吐偶然子不化亦自蠛蠓甫造物何不  
仁血人以乳哺初飛色灰慘營營求資脯一飽光騶澤轟  
轟若鼓舞是將踞翠幙寧止闔朱戶學舍本荒穢昏蟲所

鍾聚初夏卽喁然三伏奈何許稍艱褻與衫恣食背及股  
畫哨出遊兵昏市領全部鼓扇殷雷車山沒裊烟縷慙飢  
聒其鳴告飽噉然去薰草忌無施揮扇力難努嘲憎任貪  
淋咒詛至厭苦忍之待涼風寂爾掃白雨耐久仍作朋吟  
喝有餘怒丹鳥齋不羞伏翼仙肯捕枕席方病瘰肌肉含  
創楚馨此羸困人硬作檀施主酷遭劉邕啖倭喜鄧通咀  
朽腐讓同類膏腴擇善處長歎快三啐高棲圖再舉肖爾  
櫻桃圓增我痲痛巨搔爬或誤傷燎撲云何補霜降不少  
衰嗟哉此惡土如何金樓子詭作齊桓語何當殲惡物仁  
壽充此字

憎蠅

青蒼醜實繁小者帷幕入將鬚寧可館出穢遽此集扇翼  
聲硃隆交脚貌拱挹待旦卽營營向暮尤汲汲聞腥喜遽  
遽趁熱衆翕翕踉蹌巡杯案喧鬭爭漬汁揮扇播啗散投  
湯胡旋急吮墨吻染黔嗽唾股連繫捉生蒼虎躍窮寇玄  
駒執雖潔清所厭亦耳目所習每當露袒時僕緣曼膚吸  
或于假寐間颯沓滿面襲奇痒中毛孔沉酣守汗濕黃妳  
哺不靈黑甜味已澀擊豆無長技拔劍當斬級况我苦瘡  
痍正爾恣犷歟分明竭餘膏揚摧當常粒吹毛正攻訐痒  
肌又拮拾驅去條復來馘一乃佚十得意與幾何滿貫行

自及癡凍看駸駸欽趨駢香香紙窓不得鑽相伴牛衣泣  
嗟彼夏二子奈何久不戢

憎風

家畜不可馴生涯尙攻剽願力固堅牢向往成孔竅生齒  
又易繁老壽不受弔白日獨偵伺暮夜羣號召綠墻塵土  
歛拊牀竿橈掉登案嗅羶薌吹燈匿光耀若爾翻盆瓶罍  
然觸鏑銚拖腸旣大嚼含噉各分儀技同薑善搬志蓄糧  
止糶已嫌陰耗亡最恨公喧鬧我病少睡眠百態難形肖  
先時掉尾擊負痛乃暑叫逡巡拱手服別羣相嘲誚鵲鳩  
緩聲呼戰馬作氣趨銜窠穴中戛數錢帳前繞蹂閤裂文



書狙盃齧帛懷跳梁駭斷繩踞帑潛遺溺凡物皆改常索  
火不堪照肉骨登圖籍果稽填奧窔呼貓狎無怖和藥點  
難釣刀符固未試弩開何能微要當具湯火巢窟攻無噍  
或然聘銜蟬丘山獲可料讀如料氏之料妄想亦快心沈疴得善  
療展轉曙光來怪鴟欬且嘯

乙酉初冬

垂垂瓜蔓對門神喔喔鷄尸送日曛菜圃綠翹封墊雨楓  
村紅抹護霜雲俗以冬前雨爲封地開山越無人物津斷  
秦航少見聞鬱鬱久居成底事嬾隨表聖策詩勲

題橫山十景

纓纓翠終古深深韻不閑微風撫遞鍾搖漾一潭月何怪

賞心人詩思清到骨

萬松石榴

環佩何能歸栖鳥驚一起寂寞蒼煙中草露光蕤蕤正當

罷酒時曉鍾聲動矣

蘇臺夜月

陌上荷鉏歸橋邊曬破網松頂碧烟裊香客渡船上

香客見隋

書經翠鳥一雙飛湖光澹澹晃

上方夕照

遠帆若鳥翔近帆垂雲脚蜻蜒抱鰓牙前浦夕陽閣忽遇

分龍雨盡向橋西泊

西塘風景

熏黃笠上日縱橫渡口舩鹽米分包散村墟起炊煙寇鳬

驅亂雲北風浩無邊

蘭舟古渡

蘆圖方晏坐間根喧亦靜萬木撐漏天風脚翻綠影茶煙  
久亦歇起把琴弦整

茅蓬聽雨

萬柄綠方酣不花自有香明珠瀉落落朝光葛衣涼扁舟  
蒲稗外煙消響鳴榔

蓮塘香風

昔我館橫山草閣尋詩踵白雲圍翠幄松花落可捧往往  
讀書燈熟數鍾聲動

薦福晨鍾

苔衣青四時翻波有餘潤隔夜雨聲大鄰園接竹引無復  
窺園人柳綿撲陣陣

水堰觀澗

堯峯與高峯一夜頭盡白飢鴉啄石馬屐齒了無迹惟應  
訪梅人受此冷將息

梅灣積雪

預賞中秋招汪子經

蝨禪偏側四經秋  
擺落空樽裝客愁  
豈可頻頻負風月  
自憐了了窘詩囚  
商量破例追歡笑  
跌宕當年足俊遊  
要拜南湖爲上將  
索傾家貨辦新篋

鬪雨畬雲富士毛  
江東區脫此舉牢  
何期風雅逢吾子  
每調妻孥逐汝曹  
一歲幾能開口笑  
今宵忍不舉頭高  
直須看到蟾光盡  
碑兀心胸入月濤

招汪九未至疊前韻趣和作

官齋鵝鴨鬧清秋  
折簡招君共寫愁  
一事緣貧折詩械  
萬重遮眼困山囚  
畧當此夕舒狂態  
不擬平時暢雅遊  
挑戰

因君嚴壁壘不應虛挂竹間簞

潑潑光芒濕兔毛玉樓雖好不堅牢連宵端正開虛幌一  
服清涼到冷曹待與停琴殘夜守何當湧闕衆山高蹇修  
各訴麻婆憾淺徹銀河尙起濤

次胡墨莊觀察見贈韻

打頭屋底又三年柿葉抄書苦未編講舍何期翔冠雀故  
山有夢引啼鵑偶因承乏瞻高蓋便覺噓枯溫敗蘊榆莢  
柳綿看造榜故人果否上青天

謂包慎伯

又答觀察惠示儀禮古今文疏義次韻

塊獨株駒日似年也將黃嬭託陳編香吹新綠嬉鄰甍雨

墮殘紅悵客鵲破睡新書闕積玉挑燈舊業憶寒鴛紛紛  
敖郝張雲霧朗月高懸卯色天

栖霞山

揖客僧半爨到門蜂正衙麥風香入餅花氣釀于茶鐸解  
開窗聽雲停峭石遮牙籤百年久好裏破袈裟

梓山

山鵲照眼翦山霞好插樵青兩鬢斜鳩醉桑陰猶喚酒蜂  
撩柳絮不當花陰廊有主羣巫走小閣無聲萬綠遮黃犢  
自行還自卧石砌平占兩三家

登城東最高閣

吹面知風力流鈴上界聞山當吳地盡水與越江分淺草  
能調馬高檐自宿雲惜春并惜別倦眼送斜暉

題朱氏百畝竹園同汪子經作

渭川生計足十萬壯夫森篩日窗紗影梳風簫管音斑犀  
釘地密瑤甃幕天深待結樓亭子渾忘暑氣侵

曳杖無三里攜牀判一年草香新霽後麥氣午風前夙昔  
煙林夢多生汗簡緣今朝參玉版同造始青天

雞黍要賢主消停翠幄中碧鮮浮滿盞綠淨洗雙瞳籜解  
喧涼雨苔掀咒煖風清饒病居士便擬報詩筒

子經惠豬肉野雞用山谷謝張泰伯惠黃雀鮓韻報

謝

五年在寧國攢眉進杯箸薄酒近稍營庶羞終寡助老兵  
久龍斷辜較籠雉兔惟買似米豕更沾著水酢食指忽暗  
搖塵羹莫輕絮花豬與肥雉口福無多數親屬皆乖愷朋  
交煩將護佳辰強歡喜罷士難調御當翔松頂鶴休乾紙  
上蠹旣罷聞達科何落此奴度竹尊且加餐兩日免啖茹  
叱嗟羅腥臙熱官曲屋具老夫愧獨享甘腴妻孥與此邦  
無可戀端爲碩交佳殺雞投稊醪請召亦能屢

社鼓

次東坡  
琴枕韻

送臘迎春又戊前三通發响警晨眠不成蹀躞兒童戲長



此婆娑翁媼仙一胙平分神座下雙槌高挂廟門邊大平  
敲出蓬蓬調重聽村巫搗四弦

樵歌

丁丁斧響破林煙高唱應警幽客眠邪許擔歸趁作社步  
虛學得詫遊仙迢迢澗日松風外杳杳碁聲梵唱邊翁子  
粗能吟楚些誰將大曲譜冰弦

琴家以魚樵  
二調爲大曲

冬筍牛尾狸遺周伯恬用前韻

敗瓊縮凍指排籤觸匕箸坡竹壓離披濕薪爨煙助空山  
一丈雪僵仆殞貓兔野人詫俯拾炮不事鹽酢

古文醋  
字如此大

鬱供一飽寢薦煖于絮玉面最姦黠秋實攜無數樽棗雜

橡栗窟堞夸辨護如何富儲藏旨畜冬不御睢盱出邱墟  
貪攫類五蠹虞人快一發不須饒王度官厨諒所珍齋腸  
慣啖茹周侯羅佳蕘傳柑正供具所恨貧饋微難令饗客  
與百里空相望六稔厭久住冬苞亦并侑酒瓶倒宜屢

戊子歲清明

蹉跎歲月感離居久廢吟詩罷著書佳節鶯花三月暮故  
山壠樹六年踈洵鄉趁煖分蠶種棚戶開荒斫穰畬我亦  
輟鞦韆強料理自呼客作理園蔬

新歲無歡病久磨新教釀酒似修羅腰移革孔頻量小而

作靴紋強笑多

山况語見江隣幾雜誌

饘粥謀難行計縮兒童住久

語音訛那堪便恃翁生活廢學長年自蹉跎

蹉跎去聲

鹿塔 并序

宋于廷司訓旌德官舍中有埵兀然聳峙蓋有力而不學者惑于風水厭勝之說爲此而不自知其儒墨之異途也余固嘗笑之未幾宋子來此果以不經爲誚適有鹿躡級而墜倣唐慈恩浮圖埋鴈之祥名曰鹿塔作詩以詠其事余次韻焉

宋生意氣青雲攄無慘失職來此居小庭鴨脚長苔蘚荒  
圃鵲影凌空虛突兀涌地五六丈倒垂玉竦青天舒梓山  
龍峯平一掌翼舍不啻招提如援儒入墨不訾省金錢磊

落施芳墟八露盤承佛舍利自佛以下差次除嗟君報最

得此缺艤艣破浪昇潯沮彈冠興阻貢博士歛錢癖少和

長與未攜淨日

須達長者妻名淨日

作梵嫂又無月上女相於

維摩詰女

名月上

花天酒海成一癡憔悴不異荆三閭強名官人實乞

士一錫卓地稱吾廬况君頭陀勤撰論相輪塞破堅闌陟

正如飽藉家常飯何用發憤尋遂初溫岐削迹方城尉高

適狂歌宋孟諸不若長作退院主生死文字魚蠹書網維

行脚皆不易何門可以曳我裾鴈豕鹿場等兒戲薔薇露

更攬興渠袈裟隨宜領四衆棒喝或可迴三車更煩搏就

無縫塔大千一粟包緒餘

槿花歎爲葛宗哲東汪子經

槿花攢攢長三尺醉紅暈紫閒庭植兩枝猗難插銅瓶一  
洗貧官寒陋色此花植自同舍寮三年辛苦久營巢藝蘭  
干本菊幾稜苦無佳興澆松醪日及嬌嬈向未有何從覓  
種相人偶一朝爛漫見斬新今日花開人已朽只言朝生  
暮落不長榮那知人脆花猶壽昔歲春風窺戶牖上客招  
邀惟汪九踉蹌壺觴呼幼孫餽釘杯盤趣健婦如余狂興  
已刊除猶相喝韻傾斗酒君於詩酒兩無緣蕭鬢髮中  
頽然自言蒲柳早衰颯空對鶯花絕可憐言猶俄頃歲華  
換人事回環如轂轉友朋聚散尙愴悵死生契闊那排遣

汪生賞溪歎睽違我獨看花淚眼垂水西梅柳垂垂發正  
是葛龔易簪時人生百年何刺促莫種松櫟但種竹經年  
燒筍猶可期

謂去年遊  
朱氏竹園

松櫟成陰壽不屬

蜀鏡詞爲朱于廷作

宋生陵惜無人偶孽鏡容顏漸老醜豈惟妍妙隔吳雲酒  
綠燈紅間何有僻居小縣渺懽悰訪古尋碑境亦窮何從  
得此古奩具如珠出匣月停空銘文卅二盤龍鈕丹楊善  
銅耀姿首只憐天水有佳人拋却錦城那邊走

王衍醉妝  
詞云者邊

走那苦憶當年賊王八領都健若決雲鶻艱難百戰作家  
居付與纖兒歡一恥一來浪子劇遊遊十在弄臣更戲嘲

灌口天神珠幘麗甘州仙侶綵山高別有嬌饒遠望幸對

鳳垂鸞動花影水晶簾下看妝梳手折紅梔雙鬢整青城

三學慣同軒粉鏡長攜馮小憐召得唐魂怕風鶴化成蜀

魄悵啼鵲羅帶霞帔風塵老僊眷如花都入草

莊宗語曰物入中國

謂之入草王衍其能免爲入草人乎

兵戈倉卒悵分離醉妝能殼常時好駢

首秦川事可傷閉門天子足興亡剖符企望同劉禪破鏡

沉埋過樂昌苔封土蝕經千載重入錦囊發光彩先生功

業怯頻看只憶李娟與張態書法簪花金背摹雙窺會否

照頭顱菱花照膽難留影空入宣和博古圖

于廷次韻見答仍疊韻報之并送其調取入都

丈夫意槩同龍攄握躡寧效鹿豕居五年學舍伏山草辟  
人不啻逃空虛石劒橫磨竦蠹蠹泉紳奔瀉縈舒舒小車  
歷碌舟伊軋親朋斷絕投荒如頗思舊時老舉子晨星相  
望牛斗墟豈料故人周與宋一瓊送老皆堂除同音古調  
笙若磬合耜先疇溺與沮語笑雖懸通筆札詩篇數復罷  
臺興恨勞十駕隔亭部翻思六里欺商於宋生未肯安冗  
賤上名臺省升天間奇毛一撇狹霄漢逸羣四顧空槍怯  
一言拔擢尙待後七資磨勘終勝初因緣地芥拾虎魄感  
召天使承方諸可憐骯髒亦常調

教官以知縣用亦例不

萬言難剖

琅玕書摒擋觸熱攜敗席踉蹌登陞隨華裾軍興鉅億埋



戈壁新平回逆計失萬戶填河渠帆檣戕戕尾糧舫鈴鐸

檻檻迴征車一長官知何地著智囊雖老傾其餘

寧國種秧歌

康峻圍棚山作障犬牙盡野水分疆插秧畧較吳中早笑

指田頭小麥黃

草長榆飛作水田翻青已了種紅蓮沙鍋窰上灰如粉挑

到莊家各鬪錢犁田謂之翻青用爐灰攪窰灰攤稻本云

五更共喫蒔田飯白酒盈壺更白團冥報記鷄不待作頭

司鼓漏近山一儻早凉完莊家力作邀親家喫蒔田飯客

公詩注四月農忙草壯立田漏植表一人司漏一人掌鼓  
隨其號令以為衆耘作止之節吳俗以田之彌望者為一

億

大家著力莫根涯

宋王阮詩注楚謂勤苦爲根涯

牛背瘡生啄老鴉誰愛

治田花朵好新孃插向髻鬟斜

隴畔草花如月季土人呼爲治田花

稻籬仰口喜豐收兩手分科不要稠剛是梅黃新雨足沿

河塘水正平流

稻籬清明日人家戲如玟之擲以仰口向上者爲豐

翟樂正婦查氏哀詞

涇人樂正婦查氏甫生子夫亡姑痛子投水死婦聞之

自到姑得救免查氏竟死金陵汪

汝式

作詩余繼之

結髮事君子孀姑尙在堂婉婉勤婦職步步隨姑行上堂  
賀阿姑姑今喜抱孫抱孫未渠喜哀哭招夫魂傷心當暮

年壯男易緇祿痛極自沈淵老身何所道新婦含血淚我  
死寧須與上爲白髮姑下爲黃口雛畢生冤苦那得說見  
刀與繩本良圖奈何一死偏後姑引刀斷喉殉夫與姑精  
鹽顧盼聲呱呱倉黃救溺走者濡尸僵難覓神膏塗婦不  
活姑漸蘇還抱卧兒泣嗚嗚雙棺在殯夜夜啼庭烏

阮明府招看鷄冠花以東坡九日黃樓韻見示卽和

昔時每佩東坡說重陽展待黃花發

東坡常云有菊有酒卽爲重陽

山城

寥落少秋香楓榭微渲露光滑屈指正直授衣假寢門何  
山進履轍賴有窮籬洗手花開尊渴羌快滿呷與收富貴  
作河陽明歲分苗理短鐮草黃霜白奈今秋賸理菜畦齋

可殺宵來竹閣雨滴階曉窺雞嶺煙埋剝蚊蠅雪尔痛掃  
除那更蛩螿啼軋軋只愁一寒怯衰年冷脾不受酸酒壓  
明朝霜降雨亦止晴嵐恰獻女牆鬢歎歲倚公威惠均鈴  
下不驚睡花鴨何須苦憶蜜湖蕓徽溪清駛似茗雪

侯亭明府餉斗酒以前和詩有冷脾不受酸酒壓句  
故也因略述前時酒狂今潦倒情狀仍次前韻

小詩自嘲非遊說挹蠡注瓶中羈發頗思益益到臍煖賸  
可徐徐流吻滑昔年孤坐經留席問我寸長線拆礮要將  
狂態嚇庸奴升斗酸甘夸一呷騎鯨跨龍逞汗漫死何用  
埋強荷鍤醉來高唱杜陵詩世無嚴武何人殺羯今積唐

老學究百尺標竿自倒剝脂脂遮眼隔襌襌肺痰塞喉聲  
咿軋鶴觴僂估致方簞齋湯何止茅柴壓分君齋醲侑新  
詩如鑄金甌無缺齧感君宦興亦蕭條元胄人材多似鴨  
轉蓬嗟我歎騷騷閃電憑人鼓雪雪

集韻引說文  
雪雪震電兒

十五日雪次東坡聚星堂韻柬侯亭明府

幾日微陽蘇病葉消盡庭階待伴雪隴頭望麥未辭慳驢  
背尋詩正清絕令朝駝褐集羣羆午夜風篁聽拉折瓦稜  
恰似霜華浮峯頂遙知剎竿滅寒廳枯坐肌栗痒蛙竈急  
移爐炭掣未能堆徑屐沒齒只喜染林紺作纈宙合徒深  
黯黯雲辨才不落霏霏屑檐頭凍鵲踏枝翻俄驚老眼風

花瞥孔融愛酒何能檄吳均  
畫餅浪自說欲將底物慰寒  
背湯餅滿注煖衾鐵